

CURATIONIS MAGNETICÆ,
&
VNGVENTI ARMARI
MAGICA
IMPOSTVRA,

clarè demonstrata

IOHANNÆ ROBERTI SOCIET.
IESV Sacerdote, S. Theol. Doct.


MODESTA RESPONSIO


Ad perniciosam Disputationem Io.
BAPTISTÆ ab HELMONT Bruxel-
lensis Medici Pyrotechnici, contra
eundem ROBERTI acer-
bè conscriptam.



LVXEMBURGI
Excudebat Hubertus Reuland,

Anno 1621.





REVERENDISSIMO

ATQUE ILLVSTRISSIMO

DOMINO

D. IACOBO BOONEN,

ARCHIEPISCOPO

MECHLINIENSI, &c.



VEM è Grege Tuo er-
rabundam, R^{me}, atque
Ill^{me} Domine, ad Cau-
las Tuas, quà possum,
reduco: aut certè per

quæ resqua vagetur, sortem eius mi-
seratus, indico. Aliter non potui,
non debui. Memineram Legislato-
ris scitum diuinum: (Deut. 22. v. 1.)
Non videbis bouem fratris tui, aut O-
vem errantem, & prateribis, sed re-
duces fratrem tuo, etiamsi non est propin-
quus frater tuus, nec nosti eum. Plus
iubet, & persuasum difficilius: (Exod.
23. v. 4.) Si occurreris boui inimici tui,
inquit, aut asino erranti, reduc ad eum.
Et mox: Si videris asinum odientis te,

A 2

iace-

*iacere sub onere: non pertransibis, sed
leuabis cum eo.* Id conatus sum, non
in boue, aut asino, sed in *Oue*: non
Inimici, sed Pastoris, mihi, ac mei In-
stituti hominibus, amicissimi, & be-
neuolentissimi. Quo etiam nomine,
aliter non potui, vt dixi, aliter non
debui. Quamquam absque hoc, ipsa
erraticæ ouiculæ iniqua fors, meritò
me commouere, & commonere de-
buit. Occurrebat *Principis Pastorum*
in similes, affectus, qui *Videns turbas,*
misertus est eis: quia erant vexati, &
iacentes, sicut oues, non habentes Pasto-
rem. (Matth. 9. v. 36.) Talis Helmon-
tius, Ovis tua. Cui vtique non dec-
ras, optimus Pastor. Ipse sibi defuit.
Ipse locum *Pascuæ*, ubi eum, sub tuâ
custodiâ, Pastor animarum nostra-
rum collocauerat; (Psal. 22. v. 2.) de-
seruit; & relictis *nonaginta nouem,*
ambulauit per calles deuios (Iudic. 5.
v. 6.) secutus non Pastores, sed, vt sic
dicam, Depastores: non Ductores,
sed Seductores. Ab his ita efferatus
est, vt præter morem, & mansuetudi-
nem

nem innocentis illius pecoris, in innocentes homines vltro minabundus incurreret in quibus, mihi in primis non pepercit. Mouit mihi misericordiam, non bilem; & iudicaui, spectandam potius benignam naturam, quàm diram deprauationem. Itaque omissis verberibus, quibus & me tueri, & iniuriam vlcisci poteram, satis habui, ad Te eum reducere. Quinetiam rogo, memor sis illius: (Ezech. 34. v. 31.) *Vos autem Gregei mei, Gregei pascuæ meæ, HOMINES estis*, ac ideo eum humaniter tractes. Non est meum, TIBI præscribere. Scis, eundem iubere, (v. 4.) *vt infirmum consolides, egrotum sanes, confractum alliges, abiectum reducas*. Ita facies. Ac sic efficies, vt diu, multumque vagatus *Helmontius Tuus*, humanitatem, ac suauitatem Tuam expertus, nihil peius, nihil miserabilius ducat, quàm denuo à tam benefico Pastore recessisse: ac denique lætus, seductoribus deuictis, & triumphatis, TIBI canat illud epinicium:

A 3

Virga

Virga tua, & baculus tuus, ipsa me con-
solata sunt. (Psal. 22. 4.) Ita vouco, ita
spero. TIBI vero, R^{me} atque Ill^{me}
Domine, illud optatissimum: Vt (1.
Pet. 5. v. 4.) *cum apparuerit PRIN-*
CEPS PASTORVM, percipias immar-
cessibilem gloria coronam. Amen.

Luxemburgi Kalend. Octob.
1621.

R^{ne} atque Ill^{me} D. Tuae
Seruus in Christo infimus

IOHANNES ROBERTI,
Societ. IESV.

LECTO-


LECTORI.

QUAM nihil constans, nihil proprium est, Lector amice, in reciprocantibus perpetuò huius vitæ undis! Sedebam quietissimus in modico cubiculo, tamquam in nidulo, inter chartas meas; & non erat Satan, ut Scriptura loquitur (3. Reg. 5. 4.) neque occurfus malus. Cum ecce Tempestas, unde minimè oportuit. HELMONTIVS me inuadit, homo Catholicus, ut quidem ipse profitetur: etsi libellus eius passim aliter cantat. Quid tibi eius inhumanam acerbitatem hic memorem? Videbis in hoc breui responso meo, dierum aliquot labore, minimè quidem illo molesto, aut difficili: nisi quòd coactus sum Helmontij pestilentes Incogitantias, cum antidoto, ostendere; quas ille solo veneno armatas, incantis obtrusit. Mirabuntur Bruxelenses, alium esse Helmontium, quàm ipsi hactenus putauerint. Rectius latuisset. Diu tamen est, cum id egit, ut se

produceret. Leodij ante triennium hūc
ipsum suum Libellum, voluit typis vul-
gare. Negavit Censor Catholicus, in
Catholicâ Vrbe, tam acatholica edi pos-
se. Louanij sategit, DD. Medicos harum
quisquiliarum habere approbatores:
exploserunt. Imo quid de ijs sentiant, ad
finem huius mei scripti videbis; & ad-
iunctos Duacenses. Denique inuentus
est Parisijs Follium Flator (ita se Typo-
graphus vocat) qui suum illi ventum
commodaret. Sed credo planè futurum,
ut, ubi Eorcam illum turbulentissi-
mum senseris, clames, quod Catullus a-
liâ in re:

O ventum horribilem, atque pe-
stilentem!

Ad



AD DISPUTATIONEM
DE MAG. VVLNERVM

Curatione

IOANNIS BAPT. HELMONTI
tij Doct. Med. contra Iohannem Ro-
berti, Societ. IESV
Presbyt.

MODESTA RESPONSIO,

Authore eodem Io. Roberti.



QVOD DEVM ad Disputa-
tionis tuæ finem rogasti,
Helmonti, id tibi cumulatissimè præstari, ex animo o-
pto, precorque. ROGO cle-
mentissimum parentem DEVM, inquis, ipse
parcat delictis, quæ ex ignorantia non perti-
naci, & humana fragilitate contraximus. A-
men. Addo & ego Amen, & iterum, ac ter-
tium Amen, Amen. Quinetiam credere
lubet, te pleraque illa peccata, quæ affa-
tim, & largiter in angusto libello peccasti,
ex ignorantia peccasse.

Vides principium meum, tibi non in-
auspicatum, aut inimicum, & ab animo mi-
nimè in te exasperato, etsi tu passim in me

A 5

malta,

multa, eaque aspera, & aculeata, effudisti. Quo meo merito, Helmonti? Quando ego te vel verbo, vel scripto, vel facto, laesi? Sed mittamus querelas, quibus, meâ quidem causâ, indulgere, hâc scriptiunculâ, non cogito: multo etiam minus mutuis verborum aculeis, aut iniurijs. Id hoc exordio profiteor: id toto sermonis decursu, cuius Lector reapse præstitum agnosceret. Tu in primis agnosce. Vbique ampiruas, ego nusquam redandruo. Igitur rem, & doctrinam à personâ & authore separabor: illam merito rejiciam, & rejiciendam ostendam: hunc, quâ potero, excusabo. Decretum, inquam, mihi, te excusare, Helmonti; & eâ ipsâ excusatione, quam video tibi ipsi, præ reliquis, placuisse. Ponam errores, lapsus, acerbitates tuas, & iudicia ab iudicio parum sano profecta; sed ostendam, ex ignorantia, pleraque ista fluxisse. Imò, ne hoc ipsum acerbum tibi, alteriue videatur, si te ignorantem verbis concinnem meis; etsi tu eâ voce usus es, non utar ego: sed **INCOGITANTIA** te lapsum, mihi, alijsque, quibus potero, persuadebo. Est autem hoc multò illo minus, & mitius. Nam etiam doctissimi quique, incogitantia aberrare possunt, non item ignorantia. certè ijs in rebus, quas callent. Sed satis Præfationis est.

I.

INCOGITANTIA HELMONTI

tij in Libelli Dedicatione.

I. **A**GEDVM ergo, *IncoGITantiam* tuam mecum recognosce, initio ab ipsâ *tui Libelli Dedicatione*, facto. GENIO tuo Disputationem tuam consecras; id est, ut post explicas, *Angelo tuo Custodi*. An satis cogitarè? Vix ita videri tibi ipsi queat, si cogites, quæ illi consecres. Ut iam taceam, quæ toto libello à nemine sano probanda scripsisti; ipse Dedicationis textus qualia habet? Negas, præter *Matheſin*, ullam scientiam esse vulgo notam, quin nostro labili nata cerebro, instat illis sit, incerta, & mendosa. Itaque eas scientias putaticias vocas, & eas, *ceurusticam observationem* merito reponderare ais. (pæg. i.) Hic, ne Theologiam quidam Christianam excipis. Addis: *Fallitur, è chartis quisquis scientiam solidam, & veram addiscere præsumserit*. Unde igitur, Helmonti? an ex Magistrorum ore? Respondes, & Genium tuum testaris: *Sat cognitum habes*, (ipsum Genium alloqueris) quòd omnis scientia doceatur in magnâ quiete, multâ pace, & muto silentio, sine sonitu, & strepitu verborum, sine distractione, mentisq; di-

nisione, aut dubitatione incertarū ambiguitatū, sine ambitione, & sine duello diuersarū ac oppositarum rationum adueniat. Vbicumq; vero horum aliquod emicuerit, ex cerebro hominum natam, incertam, instabilem, vanam, caducam obseruationem, scientia dumtaxat umbram, mox suspicor; scientiam, inquam, & ex filijs tenebrarum calliditatem, filijs lucis impropria arbitror, & inuilem garrulitatem. Omnes hīc Philosophos, Medicos, Iurisperitos, Theologos, disertè negas filios lucis, facis filios tenebrarum. (pag. 2. 3.)

II. PARADOXVM adiungis hactenus inauditum, *Hominem à suo Custode Genio, omnem scientiarum illuminationem accipere ordinariò: etsi DEVS non rarò multam scientiam immediate influat, ut in Prophetas, &c.* (pag. 3.) Hæc si sunt, Helmonti, frustra igitur Magistri, frustra Doctores, frustra Academiæ, Scholæ, Disputationes; imo frustra Concilia, Pontificum diffinitiones, Scripturarum interpretes: denique frustra scriptura ipsa Sacra; cum solus Custos Angelus hominem illuminet, & sine ambiguitate doceat. Credisne, hanc tantam incogitantiam beatissimo spiritui probari posse?

III. AT TV non hīc sistis. Si rogeris, quando, & quo modo, Angelus hominem doceat? respondes, eum *imagines haustas à mente*

mente superna, ideasque rerum futurarum pingere in rebus somnio occurrentibus. (pag. 4.) Hæc tanta incogitantia, nimirum tibi dormienti, & somnianti excidisse videtur. Non ignoro, Deum quandoque dormientibus, & somniantibus quædam aperire. Testis v-nus sufficiat Nabuchodonosor. Sed vt vulgo id ab Angelis custodibus fiat; vt id ab illis petendum sit, ignosces, mi Helmonti, si dicam, non modò minimè cogitatè ista dici; sed ingenti periculo grauissimæ deceptionis esse exposita. Caue ne specie *Angeli lucis*, tibi imponat *angelus tenebrarum*. Scis, quis Lutherum, & Zuinglium hæresiarchas, vtrumque nocte, & somniantes, docuerit; illum, Sacrosanctum Missæ Sacrificium, tamquam Idololatriam, reijcere; hunc, Christum procul à Sacrosanctâ Eucharistiâ arcere, & Ecclesiæ, pro Diuinissimo Sacramento, panis fragmentum, & paucas vini guttas obtrudere. Absit, vt simile quippiam tibi ominer; sed, verum vt fatear, tibi timeo. Caue.

III. DE MVVM tuo Genio narras, *Carbero plurimum laudis, honoris, dominij, libertatis, & potentia ascribi, ab ijs, quibus scientia clauis credita putantur.* (p. 6.) Manifestè hoc tam honesto elogio tangis *Theologos omnes, & maximè me, omnium minimum.* At, nisi

te incogitantia occupasset, cogitasses utique, inter eos esse & *S. Thomam Aquinatum*, & *S. Bonaventuram*, aliosque complures, sanctitatis laude clarissimos; quibus proinde cum *Cerberò* nihil commune est, aut fuit: necdum ut illi laudis, aut honoris quicquam tribuant. Audes tamen concludere, te existimare, hoc operetè erga *Angelum tuum Custodem bene mereri*. Ne hoc *Deus* sinat, *Helmonti*. nam qui Angelus gratam sibi eiusmodi doctrinam fateretur, nē ille *inlucissimus*, & *felicissimus* non esset (qualem tu tuum indigitas) sed planē omnium *teterrimus*, & *infelicissimus*. Magis hæc ē consequentibus intelligentur.

II.

INCOGITANTIA HEL-
monti in contumelijs, quibus P. Io-
bannem Roberti immeri-
tum onerat.

- I. **C**HRISTIANA modestia suadebat, *Helmonti*, ut non redderes malum pro malo, nec maledictum pro maledicto; sed e contrario benediceris: (1. Pet. 3. 9.) quod iubet Apostolorum Princeps, etiam si à me forte laesus esses. Quid ille diceret, si te videret ultro in hominem Christianum, &
 Reli-

Religiosum incurrere, à quo nulla vnquam tibi orta iniuria? *Incogitantia* videlicet te abripuit. Pauca è tuis maledictis in me coniectis, hic ponam causà exempli, ne quispiam affingi à me tibi existimet.

Primum, non sine acerbitate, & amaro sarcasmo, passim me vocas *Censorem*. Si attendisses, te tuo libello *censere* non modò me, & Goclenium (quod pag. 7. 8. & 9. profiteris) & quidem vtrumque acerbè admodum; verumetiam, illos, quos paulò antè dicebam, *Sanctos Theologos*, atque adeò *Ecclesiam Catholicam*, quæ doctrinam tuam perniciosam iudicat: si, inquam, attendisses, te agere *Censorem*, vt sic dicam, *oecumenicum, & vniuersalem*; nunquam eò *incogitantia* progressus esses. Sed peiora sunt, quæ sequuntur.

II. NON REPETO, quod me, tot cum alijs, me multò melioribus, *Carbero amicū* facis, (pag. 6.) Tribuis alibi mihi magnam *iudicij temeritatem*: (p. 15.) alibi, *superbia peccatum*: (pag. 17.) alibi, me *Satana blandiri*: (p. 18.) alibi, me *paganico errore precipitari, & improvide carpere*. (p. 42.) Quid, quòd *Iesuita caput honestè ais consimile furis cranio, & inde utilem vsneam abradi posse?* (p. 44.) Goclenio nunquam negavi, vsneam, aut sanguinem humanum seruire posse me
dici

dicinis: sed *in distans* agere posse per commentitios *Magnetismos*, id verò negavi meriò, & nego: ne quidem si è capitibus dierectorum mille pyrotechnicorum abradatur.

III. PLURA habes, quæ in caput meum congeras. Audianus. Notas in me *insolentem petulantiam*: (p. 58. 59.) *ausum planè intolerandum*. (p. 70.) Omitto alia, vt palmarium illud tuum describam: (pag. 134) *Aperi oculos*, inquis, *gloriatu opime in tantâ vestri ignorantia, hætenus est Satan, tamquâ si ipsi thymia gloriæ & dignitatis subsumigares, tibi que dignitatem naturalem, ceu oculos, erueres, ipsique offeres*. Quid potuit dici acerbius? quid crudius? imo quid crudelius? sed *incogitantia* te excuset. Hic ego modum tuis maledictis memorandis ponam, cum tu ijs in me congerendis modum feceris nullum. Clementissimus DEVS tibi ignoscat. Ego sanè ex animo.

IIII. QVI HÆC legat, agrè sibi persuadeat, sine causâ te in me tam fuisse sævum. Si quis eam à me petat, nullam sanè inuenio, nisi affectum tuum duplicem: alterum in rem, alterum in hominem. Adamasti videlicet *Curationem Magneticam*, tamquam naturæ filiam: adamasti *Bombastum Paracelsum*, vt *Germania decus*, (p. 51.) vt *Monarcham*

narcham arcanorum. (p. 54.) Ego Goclenio respondens in *Heautontimoromeno*, illam dixi diaboli esse praestigias: de hoc illud liberè praedicavi, *Neminem unquam fuisse Magum, Necromanticum, Veneficum, si Bombastus non fuit.* Hinc ille æstustuus, hinc conuictorum diluuium. Sciebas tamen nihil me istorum, nisi bonis rationibus additis, pronuntiasse. Sed de hoc infra, ubi de tua malâ fide.

III.

*INCOGITANTIA HEL-
montij in prodendâ suâ malâ fide.*

I. **H**ONESTO viro graue, & molestum est, censei subleſtâ fide, haberi ſimulatorem, & diſſimulatorem callidum. Prodit enim hoc animam abiectam, & minimè generoſam. Itaque nunquam hoc mali admitteres, niſi improba incogitantia te tranſuerſum ageret. Ea cum variè appareat, maximè deprehenditur in eo, quòd in vniuerſum diſſimulas, te quicquam à me ſcriptum vidiffe *de Magnetica Vuln-
rum Curatione*, præter breuem illam *Ana-
tomen*, quam in Diſputationis tuæ epigra-
phe nominas: cum liquidò mihi conſtet, te totum iam biennium, & eò amplius, alium

B

meum

meum librum habuisse, quem inscripsi *Golenium Heautontimorumeno*: in quo ea explicantur, quæ in breviculâ Anatome obiter ponebantur. Ponebantur, inquam, non probabantur. Nam cum *Anatome* ipsa *Theses* essent, aut potius *Thesium* pars modica, ut in primâ Editione Treuirensi videre licet; non erat eius munus quicquam probare, sed ponere dumtaxat, quod alij, quib. collibuisse, improbarent, & argumentis conarentur euertere. Itaque quod toties mihi objicis, & improbas, nihil me in *Anatome* probare, non nisi per incogitantiam objicis, & improbas. Sed ad aliqua particularia malæ fidei tuæ argumenta descendamus.

II. INTERROGAS me (pag. 15.) *Agendum, cur diabolicam dicis curam? debueras equidem rationem Censura addidisse.* Non debueram, Helmonti in illis *Thesibus*. Rationem iam audisti. Feci tamen abundè, (quod tu te scire per incogitantiam dissimulas) in *Heautontimorumeno*. Vide, si lubet, Sectiones 10. 11. 12. 13. 14. 15. 16. 17. 18. 19. 20. 21. 22. 23. 24. quibus à pag. 122. ad 304. fusè, & solidè, tum grauissimâ, & multiplici autoritate; tum variorum rationum momentis, ostendi, eam curandi rationem, non nisi ad *Cacodæmonem Authorem* referri

ferri posse. Ingenui hominis erat, eas probationes, si minus probaret, legitimis argumentis placide, & sine contumeliâ conuelleret. Sed vetuit infelix *incogitantia*.

III. ITERVM rogas (pag. 19.) *Quid superstitionis habet Vnguentum Armarium?* Dico ego, Quid non dissimulationis, & simulationis habet. *Helmontij incogitantia?* Sciebat enim iisdem Sectionibus, huic Quaestioni abunde factum satis. Sed non satis bonâ fide ignorancem fingit. Simile est, quod sequitur: (pag. 25.) Probandæ videlicet *Vnguente Armarij* sinceritati, assertur hber de *lampade vitæ*, in quo similis curatio plurium morborum. O pessimam *incogitantia* fidem! Integram Sectionem decimamtertiam, in meo Heaut. tribui Authori huius *Lampadis Ioanni Ernesto Burgraui*, in quâ non omisi istam Curationem à putrefacto in oui putamine, sanguine, & tua *incogitantia* omittit. An sat habet?

III. SOLISSEQUI *magetismo* quodam feruntur *Solem*, inquis, (pag. 28.) Cur iterum omittis, me respondisse huic, & argumento à Goclenio, proposito, in Heaut. Sect. 8. pag. 103. Videat Lector, & miretur tuam *incogitantiam*. Si liber non est ad manum, obiter hic dico, quod ibi, Flores istos neque proficisci ad Solem, neque

qualitatem ullam, aut vim eò mittere, ut
 sordidum Armarium Vnguentum dicitur
 ad vulnus. *Paracelsum*, dum integrâ fere
 panegyri effers (pag. 51. seqq.) files, me ex
 ipsius Paracelsi libris ostendisse Sectione
 12. totâ, fuisse hominem vitâ improbissi-
 mum, doctrinâ perniciosissimum, hæreti-
 cum, necromanticum, atheum. Quis hoc
 silentium iussit? tua incogitantia.

V. UT PALMARIVM argumentum po-
 nis (pag. 73.) quo certò te conficere putas,
Satanam non cooperari cum Vnguento tuo, ut
 iple in margine loqueris, Quod videlicet
nunquam veridicus sit, nunquam bonu adus.
 Tum suauiter iocans addis: *Nisi Satanam*
tunc nostri misertum forte dixeris. Item: (pag.
 74.) *Fortassis quia angustus verbi, & pacti ob-*
seruator iam apud vos est Satanas, nec amplius
versipellis, fraudulentus, impostor, mendax co-
bonarius. Gles, quæ sciebas me respondisse,
 in Heaut. Sect. 106. vbi, cum idem ar-
 gumentum ex *Basilio* attulisset,
 ita scripsi pag. 107. *Stramineum argumentum.*
Quasi hoc non sit hominem perdere, pro momen-
taneâ corporis salute anima & curant, & cu-
rati, peccati perniciem asferre sempiternam.
 Satis ista de tuâ malâ fide, quæ alioquin alibi
 quoque passim sese plus satis prodit.

VI. REFERRI tamen huc potest, quòd aliquoties parū candidè interpretaris, quod ego cum Theologis Catholicis doceo, Diabolum esse, qui Curas illas perficiat quas decepti, vel deceptores, per histrionicam illam Armorum vnctionem fieri volunt. *Neque certe, ais, isto honore deferendo, Satana blandiri debemus.* (pag. 18.) Vereor, ne tu Helmonti ac tui similes, multo magis serio, per incoquantiam illi blandiaris. Attende sodes. Catholici Theologi, (ne me solum censeas) dum docent, à Diabolo fieri, quæ tu *Magnetismis* tribuis, non ascribunt damnatis Spiritibus aliquid supra Naturam: qui nimò per ipsa naturalia agere docent, & tantum ea applicando ad agendum. Legisti hoc in meà *Anatome* (quam non potes negare, te legisse, etsi de *Heautontimorumenio* dissimules) §. 43. quo loco ita quæro: *Quid? teli inunctione Cacodæmon sanat?* & respondeo: *Minimè, neque enim posset: sed irridens, & subsannans Unguentarios istos, adhibet ipse interea clanculum, remedia alia, callentissimus medicina omnis, &c.* Vide iam, Helmonti, vter plus Diabolo tribuat, tu, an ego: vter magis illi blandiri videatur. Tu tibi, aut alicui alteri pyrotechnico tribuis, per teli procul dissiti inunctionem, absentis vulnus sanare posse: ego nec Diabolo hoc concedo, quem aio

nihil posse, nisi *naturalia ipsi vulnere applicando*. Et, si de *blandiendo* sermo est, vter magis blanditur, an qui Diaboli *πανεργίαν* & veteratorias artes, naturæ velo tegit, & honestat, quod tu facis; an qui eas aperit, & serpentem tortuosum è latibulo suo protrahit, & reluctantem in luce, & omnium oculis ponit, quod ego facere conor? Scis illud. *Qui male agit, odit lucem*. Quis igitur magis lucem odit, tenebras amat, quam princeps tenebrarum, & qui malè agendo nūquam lassatur? Huic tu, vt gratificeris, & blandiaris, (ea tua incogitantia est) tenebris illi amicis cum celas, & Naturæ larvam, quod in te est, inducis.

III.

*INCOGITANTIA HEL-
montij in contemptu scientiarum, &
hominum doctorum cuius-
que generis.*

1. SICVT, quædam dissimulas, quæ ingenuè agnoscere, & fateri oportebat: ita non pauca nimis apertè. & liberè profers, quæ rectius taceres. &, si minus animo excludere velles, animo certè celares. Ex ijs illud est, quod scientias omnes, exceptâ Mathematici, & tu Pyrotechnica, contemptim vellicas.

licas. Vocas (pag. 1.) *instabiles, incertas, mendosas, putatitias, rusticam observationem*. Testaris tuam *Genium* (pag. 2.) *Omniem scientiam disci in multo silentio, sine sonitu, & strepitu verborum: & (p. 3.) sine duello diuersarum, ac oppositarum rationum*. Ex quibus sequitur, icientias, quas hodie vocamus, Scientias non esse, sed *scientia umbram*, vt mox subiungis. Plura vide, vbi de tuâ dedicatione.

II. IAM, quod ad Doctos homines attinet, videamus primum, quid de *Medicis* sentias, quos tamquam *ὁμοτέχης*, & collegas, colere & obseruare debebas. Vt impium tuum *Paracelsum*, vberius & magnificentius laudes, (pag. 53.) ais, illum *loco naturalis studij, quod passim in scholis STERILE docetur, reale aliud, & longe vberissimum attulisse*. Deinde (p. 54.) tam honestè de Medicis iudicas, vt dicas eos *rumori, somnig, credulos assentiri*. Et sic iudicare, vocas, *frui, non seruire indicij muneribus*. Incogitantia hæc tibi dictauit.

III. PHILOSOPHOS, ac *Theologos* nihilo clementius habes. Pag. 107. vniuersè de omnibus loquens, ais, eos, *non nisi rusticè, corporaliterque nimis philosophari*. nempe quia execrandas superstitiones *in satana dominium retulerunt*. Iterum (p. 119.) iisdem

attribuis ignorantiam, & rusticitatem. Sed quid gravius dici potuit, quàm quod (pag. 137.) me alloquens, ita scribis : *Quicumque effectum naturalem, à Deo sic creatum, sic datum creaturus, (de Unguento tuo loqueris, cui vim affingis, vulnus procul positum sanandi) tribuit demoni ; is alienat honorem Creatori debitum, & in Satanam, eundem ignominiosè vertit: quod (pace tuâ dixero) si bene sub tuam reuocaueris Anatomem, IDOLOLATRIAM expressam reperies.* Heu! Helmonti. Non vides, quò te rapiat affectus, & incogitantia?

III. VNO impetu Idololatræ facis plerosque omnes Theologos Catholicos, etiâ Sanctos ; quos si non erat commodum in suis monumentis inspicere : in meo Heaut. reperires. Sect. 15 § 3. & inter eos S. Thomam Aquinatem, & Albertum Magnum. Quid, quod S. Paulum Apostolum, Gentium Doctorem eodem compingis? Vide eius sententiam Act. 17. v. 27. & interpretationem, quâ ex Catholicis Doctoribus, illâ Sect. 15. afferro. Addamus huc spectantem *Incogitantiam* tuam, eiusmodi, vt, nisi verba tua verbote-nus ponam, ægrè futurus videatur, qui tibi extidisse crediturus sit.

V. DE COMMENTITIA *virtute tuâ Magneticâ in Unguento Armario, cum magnifi.*

gnificè sanè locutus esses (pag. 16.) hæc gratulabundus, tamquam triumphalem Epilogum, ascribis: *Quid mirum, si THEOLOGVS NULLVS hæc subolenerit? Postquam enim Sacerdos, & Leuita transissent in Iericho, successit Samaritanus Laicus, qui OMNE IVS Sacerdotibus inquirendi rerum causas eripuit. Natura idcirco abinde, non Theologos in sui interpretes vocavit: sed solos Medicos in filios optavit, & quidem tales DVMTAXAT, qui pyrotechinâ instructi, rerum proprietates examinant.* &c. Pergis (p. 17) Nos rerum proprietates ab occulto eruimus in lucem, natura SOLI INTERPRETES FIDELES. Nihilne ergo, Helmonti, Theologis, nihilne planè concedis? Respondes: Theologus autem, quò iudicet prestigiosum à naturali; à nobis prius definitionem hauriat necessum est: ne sutor nepe ultra crepidam, labatur turpiter. Tandem non sine acerbo sarcasmo hunc locum cōcludis: *Multa certè ubique conditoris bonitas fuit, qui omnia creata in ingratum hominum usum condidit: nec Theologorum quemquam assessorem admisit, quot, quantasque rebus virtutes inderet.*

VI. ORIVNTVR hîc aliqua vel quærenda, vel annotanda. Primum illud est, nisi incogitantia excusaret, ingentem esse audaciam tuam, qui historicè interpreteris locū

dicinis: sed *in distans* agere posse per com-
mentitios *Magnetismos*, id verò negavi
merito, & nego: ne quidem si è capitibus
diectorum mille pyrotechnicorum abra-
datur.

III. PLURA habes, quæ in caput meum
congeras. Audianus. Notas in me *insolen-
tem petulantiam*: (p. 58. 59.) *ausum planè in-
tolerandum*. (p. 70.) Omitto alia, vt palma-
rium illud tuum describam: (pag. 134) *A-
peri oculos*, inquis, *gloriatu opime in tantâ
vestri ignorantia, hætenus est Satan, tam quã
si ipsi thymiaa gloria & dignitatis subsumi-
gares, tibi que dignitatem naturalem, ceu ocu-
los, erueres, ipsique offeres*. Quid potuit dici
acerbius? quid crudius? imo quid crudelius?
sed *incogitantia* te excuset. Hic ego modum
tuis maledictis memorandis ponam, cum
tu ijs in me congerendis modum feceris
nullum. Clementissimus DEVS tibi igno-
scat. Ego sanè ex animo.

IIII. QVI HÆC legat, ægrè sibi persua-
deat, sine causâ te in me tam fuisse sæu-
um. Si quis eam à me petat, nullam sanè inue-
nio, nisi affectum tuum duplicem: alterum
in rem, alterum in hominem. Adamasti vi-
delicet *Curationem Magneticam*, tamquam
naturæ filiam: adamasti *Bombastum Para-
oelsum*, vt *Germania decus*, (p. 51.) vt *Mo-
narcham*

narcham arcanorum. (p. 54.) Ego Goclenio respondens in Heautontimoromeno, illam dixi diaboli esse praestigias: de hoc illud liberè praedicaui, *Neminem unquam fuisse Magum, Necromanticum, Veneficum, se Bombastus non fuit.* Hinc ille æstustuus, hinc conuictorum diluuium. Sciebas tamen nihil me istorum, nisi bonis rationibus additis, pronuntiasse. Sed de hoc infra, ubi de tua malâ fide.

III.

*INCOGITANTIA HEL-
monty in prodendâ suâ malâ fide.*

I. **H**ONESTO viro graue, & molestum est, censei subleſtâ fide, haberi ſimulatorem, & diſſimulatorem calidum. Prodit enim hoc animam abiectam, & minimè generoſam. Itaque nunquam hoc mali admitteres, niſi improba incogitantia te tranſuerſum ageret. Ea cum variè appareat, maximè deprehenditur in eo, quòd in vniuerſum diſſimulas, te quicquam à me ſcriptum vidiffe *de Magnetica Vuln-
rum Curatione*, præter breuem illam *Ana-
tomen*, quam in Diſputationis tuæ epigra-
phe nominas: cum liquidò mihi conſtet, te
totum iam biennium, & eò amplius, alium
B meum

meum librum habuisse, quem inscripsi *Go-
clenium Heautontimorumenon*: in quo ea ex-
plicantur, quæ in breuiculâ Anatome obi-
ter ponebantur. Ponebantur, inquam, non
probabantur. Nam cum *Anatome* ipsa *The-
ses* essent, aut potius Thesium pars modica,
vt in primâ Editione Treuirensi videre li-
cet; non erat eius munus quicquam pro-
bare, sed ponere dumtaxat, quod alij, quib.
collibuisse, improbarent, & argumentis
conarentur euertere. Itaque quod toties
mihi objicis, & improbas, nihil me in *Ana-
tome* probare, non nisi per incogitantiam
obicis, & improbas. Sed ad aliqua particu-
laria malæ fidei tuæ argumenta descenda-
mus.

II. INTERROGAS me (pag. 15.) *Age-
dum, cur diabolicam dicis curam? debueras e-
quidem rationem Censuræ addidisse.* Non de-
bueram, Helmonti in illis Thesibus. Ra-
tionem iam audisti. Feci tamen abundè,
(quod tu te scire per incogitantiam dissi-
mulas) in *Heautontimorumeno*. Vide, si lu-
bet, Sectiones 10. 11. 12. 13. 14. 15. 16. 17. 18. 19.
20. 21. 22. 23. 24. quibus à pag. 122. ad 304.
fusè, & solidè, tum grauissimâ, & multipli-
ci authoritate; tum varum ratio num mo-
mentis, ostendi, eam curandi rationem,
non nisi ad *Cacodæmonem Authorem* re-
ferri

ferri posse. Ingenui hominis erat, eas probationes, si minus probaret, legitimis argumentis placide, & sine contumelia conuellere. Sed vetuit infelix *incogitantia*.

III. ITERVM rogas (pag. 19.) *Quid superstitutionis habet Vnguentum Armarium?* Dico ego, Quid non dissimulationis, & simulationis habet. *Helmontij incogitantia?* Sciebat enim iisdem Sectionibus, huic Quæstioni abunde factum satis. Sed non satis bonâ fide ignorancem fingit. Simile est, quod sequitur: (pag. 25.) Probandæ videlicet *Vnguente Armarij* sinceritati, assertur hber de *lampade vite*, in quo similis curatio plurium morborum. O pessimam *incogitantia* fidem! Integram Sectionem decimamtertiam, in meo Heaut. tribui Authori huius *Lampadis Ioanni Ernesto Burggrauio*, in quâ non omisi istam Curationem a putrefacto in oui putamine, sanguine, & tua *incogitantia* omittit. An sat habet?

III. SOLISSEQUI *magnetismo* quodam feruntur. *Solem*, inquis, (pag. 28.) Cur iterum omittis, me respondisse huic, & argumento à Goclenio, proposito, in Heaut. Sect. 8. pag. 103. Videat Lector, & miretur tuam *incogitantiam*. Si liber non est ad manum, obiter hic dico, quod ibi, Flores istos neque proficisci ad Solem, neque

qualitatem ullam, aut vim eò mittere, vt
 fordidum Armarium Vnguentum dicitur
 ad vulnus. *Paracelsum*, dum integrâ fere
 panegyri effers (pag. 51. seqq.) files, me ex
 ipsius *Paracelsi* libris ostendisse Sectione
 12. totâ, fuisse hominem vitâ improbissi-
 mum, doctrinâ perniciosissimum, hæreti-
 cum, necromanticum, atheum. Quis hoc
 silentium iussit? tua incogitantia.

V. VT PALMARIVM argumentum po-
 nis (pag. 73.) quo certò te conficere putas,
Satanam non cooperari cum Vnguento tuo, vt
 iple in margine loqueris, Quod videlicet
nunquam veridicus sit, nunquam bonuadus.
 Tum suauiter iocans addis: *Nisi Satanam*
tunc nostri misertum forte dixeris. Item: (pag.
 74.) *Fortassis quia angustus verbi, & pacti ob-*
seruator iam apud vos est Satanas, nec amplius
versipellis, fraudulentus impostor, mendax to-
Suauiter hæc dicis Helmonti: sed quàm
bonam files, quæ sciebas me respondisse,
in Heaut. Sect. 106. vbi, cum idem ar-
gumentum ex Basilio Olenius attulisset,
ita scripsi pag. 107. Stramineum argumentum.
Quasi hoc non sit hominem perdere, pro mon-
tanea corporis salute animæ & curantis, & cu-
rati, peccati perniciem asferre sempiternam.
 Satis ista de tuâ malâ fide, quæ alioquin alibi
 quoque passim sese plus satis prodit.

VI. REFERRITamen huc potest, quòd aliquoties parùm candidè interpretaris, quod ego cum Theologis Catholicis doceo, Diabolum esse, qui Curas illas perficiat quas decepti, vel deceptores, per histrionicam illam Armorum vnctionem fieri volunt. *Neque* certe, ais, isto honore deferendo, *Satana blandiri debemus.* (pag. 18.) Vereor, ne tu Helmonti ac tui similes, multo magis seriò, per *incoquantiam* illi blandiaris. Attende sodes. Catholici Theologi, (ne me solum censeas) dum docent, à Diabolo fieri, quæ tu *Magnetismis* tribuis, non ascribunt damnatis Spiritibus aliquid supra Naturam: quinimò per ipsa naturalia agere docent, & tantum ea applicando ad agendum. Legisti hoc in meà *Anatome* (quam non potes negare, te legisse, etsi de *Heantontimorum* numero dissimules) §. 43. quo loco ita quæro: *Quid? teli inunctione Cacodæmon sanat?* & respondeo: *Minimè, neque enim posset: sed irridens, & subsannans Unguentarios istos, adhibet ipse interea clanculum remedia alia, callentissimus medicina omnis, &c.* Vide iam, Helmonti, vter plus Diabolo tribuat, tu, an ego: vter magis illi blandiri videatur. Tu tibi, aut alicui alteri pyrotechnico tribuis, per teli procul diffusi inunctionem, *absentis vulnus sanare posse:* ego nec Diabolo hoc concedo, quem aio

nihil posse, nisi *naturalia ipsi vulnere applicando*. Et, si de *blandiendo* sermo est, vter magis blanditur, an qui Diaboli *παύσηται* & veteratorias artes, naturæ velo tegit, & honestat, quod tu facis; an qui eas aperit, & serpentem tortuosum è latibulo suo protrahit, & reluctantem in luce, & omnium oculis ponit, quod ego facere conor? Scis illud. *Qui male agit, odit lucem*. Quis igitur magis lucem odit, tenebras amat, quam princeps tenebrarum, & qui malè agendo nūquam lassatur? Huic tu, vt gratificeris, & blandiaris, (ea tua *incogitantia* est) tenebris illi amicis eum celas, & Naturæ larvam, quod in te est, inducis.

III.

*INCOGITANTIA HEL-
montij in contemptu scientiarum, &
hominum doctorum cuius-
que generis.*

1. SICVT, quædam dissimulas, quæ ingenue agnoscere, & fateri oportebat: ita non pauca nimis apertè, & liberè profers, quæ rectius taceres, &, si minus animo excludere velles, animo certè celares. Ex ijs illud est, quod scientias omnes, excepta Mathematici, & tuæ Pyrotechnicæ, contemtim vellicas.

licas. Vocas (pag. 1.) *instabiles, incertas, mendosas, putatitias, rusticam observationem. Testarist tuom Genium* (pag. 2.) *Omniem scientiam disci in mulo silentio, sine sonitu, & strepitu verborum: & (p. 3.) sine duello diuersarum, ac oppositarum rationum.* Ex quibus sequitur, *icientias, quas hodie vocamus, Scientias non esse, sed scientia umbram, ut mox subiungis. Plura vide, vbi de tua dedicatione.*

II. IAM, quod ad Doctos homines attinet, videamus primum, quid de *Medicis* sentias, quos tamquam *ομοτέχνης*, & collegas, colere & obseruare debebas. Ut impium tuum *Paracelsum*, vberius & magnificentius laudes, (pag. 53.) ais, illum *loco naturalis studij, quod passim in scholis STERILE docetur, reale aliud, & longe uberimum attulisse.* Deinde (p. 54.) tam honeste de Medicis iudicas, ut dicas eos *rumori, somniog, credulos assentiri.* Et sic iudicare, vocas, *frui, non seruire iudicij muneribus.* Incogitantia hæc tibi dictauit.

III. PHILOSOPHOS, ac *Theologos* nihilo clementius habes. Pag. 107. vniuersè de omnibus loquens, ais, *eos, non nisi rustice, corporaliterque nimis philosophari.* nempe quia execrandas superstitiones *in satana dominium retulerunt.* Iterum (p. 119.) iisdem

gnificè sanè locutus esses (pag. 16.) hæc gratulabundus, tamquam triumphalem Epilogum, ascribis: *Quid mirum, si THEOLOGVS NULLVS hæc subolenerit? Postquam enim Sacerdos, & Lenita transiissent in Iericho, successit Samaritanus Laicus, qui OMNE IVS Sacerdotibus inquirendi rerum causas eripuit. Natura idcirco abinde, non Theologos in sui interpretes vocavit: sed solos Medicos in filios optavit, & quidem tales DVMTAXAT, qui pyrotechinâ instructi, rerum proprietates examinant &c.* Pergis (p. 17) Nos rerum proprietates ab occulto eruiimus in lucem, natura SOLI INTERPRETES FIDELES. Nihilne ergo, Helmonti, Theologis, nihilne planè concedis? Respondes: *Theologus autem, quò iudicet prestigiosum à naturali; à nobis prius definitionem hauriat necessum est, ne sutor nepe ultra crepidam, labatur turpiter. Tandem non sine acerbo sarcasmo hunc locum cōcludis: Multa certè ubique conditoris bonitas fuit, qui omnia creata in ingratum hominum usum condidit: nec Theologorum quemquam assessorem admisit, quot, quantasque rebus virtutes inderet.*

VI. ORIUNTUR hic aliqua vel quærenda, vel annotanda. Primum illud est, nisi incogitantia excusaret, ingentem esse audaciam tuam, qui historice interpreteris locū

illum de Sacerdote , Leuita , Samaritano. quasi tum Alchymistis , siue Pyrotechnicis illud interpretandi, vt sic dicam , priuilegiū à Dño attributum sit. Quis mortalium ante te ita locum illum exposuit ? Saltem attenderes , non esse illam historiam , sed dūtaxat *parabolam*. Alterum est, Quòd immane onus tuis, tuorumque Synalchymistarum humeris imponis, dum omnes reliquos mortales vestræ ferulæ subijcis. Ergone in rerum naturalium cognitione te præferre aüssis D. *Thome Aquinatis, Alberto Magno, Scoto* ? Considera, quæso, antequam temerè respondes.

VII. TERTIUM est, Quod hoc vno pronuntiato, velut impacto pede, auctoritatem abijcis Summorum Pontificum, Conciliorum, Episcoporum, Imperatorū, Regum, Principum. Rerumpub. quicum Vniuersitates, Academias, scholas instituerent , accuratissimè de Theologiâ, lure vtroque, Medicinâ, Philosophiâ, Musisque mansuetioribus, constituerunt, atque earū scientiarum Professores, liberalibus stipendijs procul euocarunt, & inuitarunt: de *Pyrotechnicâ* tuâ mirum apud sapientissimos viros silentium. Quartum, Quòd agrè intelligi potest tua ista doctrina , sine graui iniuriâ tot *inclitissimorum, & felicissimorum*

An-

Angelorum Custodum; ex tuâ quidem sententiâ in Præfatione ad tuum. Nam cum in illâ scribas, *Hominem a suo Custode Genio, omnem scientiarum illuminationem accipere ordinario* : certè ignavos esse oportet reliquorum hominum Angelos; eos autem solos ignavos, & diligentes, qui *Pyrotechnicis* præstant. Video, te respondere posse, Angelos quidem paratos esse semper, clientes suos docere : sed hominum culpam esse, qui vel voluntate, vel cerebro careant, præter solos *Pyrotechnicos*. Hoc, ut dixi, responderi posset. Sed dubito, an audeant *Pyrotechnici* omnes hoc clarè efferre, etiam si omnem suam sapientiam, & audaciam, subtilissimè & πυροτεχνικωτάτως distilla-
verint, sublimaverint, calcinaverint, fermenta-
verint, soluerint, coagulaverint, fixaverint, quæ sunt vestra, ut ipse profiteris, adminicula.

VIII. ALIA quâdam ratione tua incogitantia, & hominibus, & Angelis, si non iniuriosa; certè gravis, & molesta esse videtur. Ais, *Theologos*, à te, tuique *symmystis* haurire oportere. Nonne tu in Præfat. ad tuum *Genium*, disertè scripsisti, sine strepitu, & sonitu verborum omnem scientiam doceri? nonne addidisti, fore aliquin incertam, instabilem, vanam, & caducam observationem, scientia dumtaxat umbram; ex filis tenebrarum
cal-

*calliditatem, filijs lucis impropriam, & inutil-
lem garrulitatem?* Cur igitur Theologos à
te discere vis? cur non potius rectà ad *An-
gelum custodem* suum, quemque ablegas? Si
dicas, fat esse, quod tu, tuique *Vulcanij* fra-
tres inde hauseritis, quæram, Vnde id nobis
constare possit? Si dicas, tibi, tuique cre-
dendum esse, vt diuinitus edoctis; ignoscas,
si tibi vicissim dicam, *pruatum* illum *spiritu*-
tum esse simillimum Spiritui Calvinistarū,
quem pro Spiritu Sancto venditant, & cui
Christianos homines omnes, fasces submit-
tere velint. Absit, Helmonti, vt eo progre-
diaris. Agnosce *incogitantiam*, &, dum li-
cet, reduce calculum.

IX. AD EXTREMUM, ne nimium tibi
de tuo acumine blandiaris, dum ais, DEVM,
dum res conderet, *nullum Theologorum Af-
fessorem admisisse*: sicut hoc tibi vltro con-
cedimus, ita hoc reponimus, ne *Alchymi-
starum* quidem quemquam ad id operis
fuisse admissum. Sane magnus ille Condi-
tor, neque tunc, neque postea vnquam, quæ-
quam docuit alios subfannare, aut naso su-
spendere. Audi eius Apostolum Iacobum
(cap. 3. v. 17.) *Quæ desursum est sapientia paci-
fica est, modesta, suadibilis, bonis consentiens*
(tales sunt tot sancti Theologi) *non indi-
cans*. Tua, quæ tantum distat, vide ne sit ter-
rena,

*rena, animalis diabolica. Remoue, si sapiis,
tam perniciosam incogitantiam.*

V.

*INCOGITANTIA HEL-
montij in Philosophiâ interpo-
landâ.*

I. **V**TI SANAM Philosophiam audacter
reijcis; ita nouam liberaliter fingis, &
nobis obtrudis. Videat Lector hæc
pauca exempla; quæ non exaggerabo, mul-
to etiam minus ambitiosè refutabo, con-
tentus fere, tantum posuisse; quoniam no-
uisse, refutasse est. Eamus per Propositio-
nes distinctionis, & lucis gratiâ.

*Prop. I. Necesse est, accidens migrare idem
de subiecto in subiectum. (p. 42.)* Qui contra
hanc sententiam tuam sentiunt, arguis in-
gentis pertinacitatis.

Probas primò, quia *eadem cicatrix est in
cadauere, quæ in homine hesterno fuit.* Vt hoc
concedatur, scire te oportebat, optimè re-
sponderi à bonis Philosophis, eiusmodi
accidentia, pro subiecto habere *Materiam.*
Atqui hanc in Cadauere eandem manere
nemini est dubium. Probas secundò, quia
habemus lumen, & virtutem solis apud nos:
quod ita intelligi vis, ut ipsum idem lumen,
quod

quod in Solis corpore est, in aërem migret. Non migrat, Helmonti, sed in aëre aliud lumen à sole producitur, sicut calor ab igne in tuâ manu. Itaque omite, sodes, ista tragica Epiphonemata, quæ eâdem pagellâ, nimis animosè tibi

———— pulmo anima prægrandis anhelat:
Ecce quo paganicus error præcipites improuidè
carpentes! & illud: Cacûtirenempe hoc est ad
solem.

II. PROBAS tertio, Nam trans vitrum lingula compassi ad polum sese flectit, & ad ferrum vicinum trahitur: igitur idem accidens, inquit, trans vitrum migrat de magnete in aërem. & ad polum ipsum fortassis attingit. (pag. 43) Vnde, quaeso, Helmonti, hoc cōsequitur? non potes igitur tu ad cælum te conuertere, quin accidens aliquod per totum aërem, & per cælos ipsos transmittas? nouum mysterium pyrotechnicum & cum Gocleniacis comparandum. Tu tibi de eo plaudis: Ego certè, inquis, mihi gratulor, de ignorantia talis doctrinæ, de qua Goclenius, velut rudis accusatur. Plaude, Helmonti, me certè non habebis applausorem. Tibi eueniet, quod Euclioni illi Horatiano, qui sibi suauiter canit:

———— Populus me sibilat; at mihi plaudo
Ipse domi, quando nummos contempler in
arcâ.

III. PROBAS quartò: (*Frustra* (inquis pag. 42.) *nos Sanctorum reliquias veneramur, si sola materia impossibilis Aristotelicorum, supersit, & non accidentia quadam in corrupto remanserint, quæ olim erant in vino. Quomodo hîc, Helmont, te excuses, nisi incogitantia, qui tam apertè legem migres, quam ipse tulisti? An oblitus es, te basilicam illam edictionem fecisse: (pag. 17.) De Deo Theologus, naturalis verò de naturâ inquirat? Cur tu ergo res Theologicas attingis? Sed, quod ad rem ipsam attinet, etsi fingamus, nihil manere in Sancto Cadavere nisi Materiem, cur ideo frustra Reliquias veneramur? An non videtur tibi illud corpus honore dignû, quod animæ beatæ & fuit olim domicilium, & quondam erit, æternumque manebit? Quâ tu ratione, & quò tandem iure Accidentia materiæ præfers, quæ est ipsius beati hominis pars, cum accidentia aliud vtique non sint, quàm accidentia? Hæc tua propositio, ut nihil grauius dicam, malè sonat. Sed tutus delitelcis sub incogitantia.*

III. PERGAMVS ad reliquatæ Philo-
sophiæ.

Propos. II. *Creatis singulis suum inest calum, cœlique rotatio.* (pag. 55.) Item: *Res vnaqueque suum calum, calorumque ob id syzygiam continet.* Hoc ita crudè positum, ægrè auditur

tur, etiam à modesto ingenio, quin statim
occurrat, ei, qui sic sentiat, *rotari cerebrum*,
non à cælo suo, sed vt illi, cui

—— *totum vertigine tectum.*

*Ambulat, & geminis consurgit mensa
lucernis.*

Propos. III. Spiritus mundi est aura ethe-
ris, purior, & vitalis, qui Solem, titaniaque a-
stra spiritus intus alit, totamque diffusa per ar-
tus mens agitat molem: adeoque mūdum com-
munionē quādam partium, ac virium conspira-
tione, moderatur, iuxta consensum omnium re-
ele philosophantium. Hi omnes rectē philo-
sophantes sunt nimirum soli Pyrotechnici
fratres tui. Requiro hic in te, Helmonti, ite-
rum bonam fidem. Ais, me carpere Goclerii
immemeritum, ausu plane intolerando, hac ipsa
in re. Cur dissimulas, me ostendisse vanita-
tem, imò impietatem huius Spiritus, in He-
autontim. Sect. 24. ac probasse non quam-
uis in hac tuā Philosophiā, esse impietatem,
sed veri nominis HÆRESIN, & IDOLO-
LATRIAM? Quæ ibi dixi, hic non repetam.
Videat, cui vacabit, & lubebit.

V. PROPOS. IV. Etiam Carni est sua ima-
ginatio, & voluntas electiva. (p. 75.) Aliam
hanc intelligis, ab eā, quæ dicitur voluntas
hominis ipsius; vt ex verbis tuis eādem pag.
clarè apparet. Hoc est ex ijs, quæ suffecerit
posuisti.

posuisse, sine aliâ refutatione. Nam quis affirmanti tibi tam stolidum paradoxum credat? Quæ ex Scripturâ affers ad probandum, ijs locus erit infra. Sequitur aliud tuum Pronuntiatum, quod Lectori excutiet admirationem, si quam in proximo conceperat.

Propos. V. Non tantam sanguini, sed & humoribus, & cibis, & excrementis, inest Phantasia, & appetitus magicus. (pag. 125.) Apage cum tuis excrementis. nimis quidem hæc sordida, & foetida Incogitantia est. *Phantasia, & Imaginationem*, pro eodem ponis, vt apparet pag. 129. contextu iuncto cum margine. Id lubuit notare, ne Lector quispiam curiosior, me tibi arbitretur affingere, si alterum pro altero posuisse videar. Nam adhuc de *Phantasia* mira fundis, quæ non videntur hoc loco negligenda.

VI. Propos. VI. In homine sua est energia, quâ solo nutu, & Phantasia suâ, quæat agere extra se, & imprimere virtutem, aliquam influentiam, deinceps per se perseverantem, & agentem in obiectum longissime absens. Hoc pronuntiatum ter, vnicâ pag. 129. vocas MYSTERIVM: & quidem, tum *Notabile, tum Ingens.* Quid de eo sentiam, sciebas ex meo Heat. Sect. 30. §. 5. vbi voco *Pseudo-Alchymistas*, eos, qui *Phantasia, & Imaginationi*

C

vino

vim ascribunt; mirabilia operandi extra imaginantis corpus. Attuli, præter alia exempla, Burggrauij armorum fabricationem: in qua princeps illud præceptum est: *Ad incudem, & fabricam stabis; obfirmato animo, & imaginatione fortiter eleuata, & affectu exaltato, &c.* Tu, his dissimulatis, similia deliramēta *Mysteria* vocas *ingētia*. Simili quinetiam ratione, doces fabricari *acum nauticam*, adhibitā imaginatione, quæ sine ullo alio auxilio, polum notet. (pag. 130.) Nec te pudet addere, *Actum*, quæ super eādem linea fiat casualiter, & in scio fabro, inanem esse, nec polum notare. Itaque concludis, sapienter admodum, ut tibi videris, *Imaginationem fabricantis, eam vim chalybi imprimere.* (pag. 131.)

VII. PLURA his, & maiora; (si te audimus) potest *Imaginatio*. Audi, Lector, & ride, aut ringere.

Propos. VII. Omnes omnium rerum spiritus, ac velut essentia, in nobis latent; & microcosmicæ Phantasie, dumtaxat nascuntur, & educuntur. (p. 108.) & ibidem:

Propos. VIII. Anima concipiendo generat quandam ideam rei concepta: quæ, ut antea latebat, velut ignis in silice, ita concitatione Phantasie, producitur quedam idea realis, & essentialis determinatio quidditativa, &c. Ingens Phantasie imperium nobis narras, Helmon-

ti. Certè tum alibi, tum maximè hic, multum tibi imperavit. Si nimium progressus es, *incogitantia* facile te excusar. Iam, ne hæreat Lactor, quidnam hæc *Idea Realis* sit, ita explicas eadem pag.

Propos. IX. Non est qualitas nuda, sed, aliquid substantiæ simile, inter corpus, & spiritum, id est, animam ambigens. Id est ita spirituale, ut non sit plane corporeæ conditionis exors. Tunc, Helmonti, tam sepe, & tam grauitè me carpas, quòd non probem, quæ contra Goclenium in meâ Anatome afferro (in quâ tamè, ut in Thesisibus, nihil probandum, sed ponendum tantum erat) & tu hæc talia monstra, tales quisquillas, mundo sine ullâ probatione obtrudas: qui tamen in Disputationis tuæ fronte profitearis, te, docentis more, ratione positivâ, exemplis lucidata verissimis, tuaroborare firmissimè? Vbi ea robora sunt?

VIII. PERGE tamen, & absolue, de illo Conceptu, & Partu animæ. Tutus delitescis, sub *Domina Incogitantia*, Mineruæ tuæ
 ——— *Clypei septemplicis orbe.*

Propos. X. Hæc Entitas Idealis, cum ex mundo inuisibili, & intellectuali, Microcosmi, excidit, corpus induit, & tum prius loci, & numerorum determinationibus clauditur. (pag. 109.) Claudamus & nos hic hoc argumentum: nam quo yltra progrediaris, non habes.

bes. Nisi fortè hæc quoque in re, affectari velis sanctissimum tuum *Arcanorum Monarcham Paracelsum*, qui ad reliquam suam insaniam hoc addidit, *homines ab Adamo originem non ducentes, neque animam immortali præditos, consequi animam immortalem, & participem redemptionis Christi, per coniugia, quæ cum hominibus ijs contrahunt, qui ab Adamo originem ducunt.* Vide meum *Heaut. Sect. 12. §. 5. Prop. 1. 2. 3. 4.* Aliquanto hoc plus est, quam tuum delirium: nam tua quidem Substantia spiritalis, corpus induit: *Bombasticorum autem hominulorum* mortalis anima, immortalitatem.

IX. PLURES Propositiones restant, nihilo his saniores. Exemplo sunt hæc de vitâ, & sensu.

Propos. XI. Magnes vivit, novit, sentit, imo varios sensus unicus magnes habet. Imo habet & amoris, & philautia stimulos, & phantasiâ naturalem. (pag. 114. 115.) Non adeo mirum est, Lapidem vivere. Illud magis.

Propos. XII. Omnis Creatura vivit suo modo. (p. 70. in marg.) Item: Omnis Creatura per VITAM, essentiam, existentiam, & SENSATIONEM, Creatoris maiestatem, liberalitatem, & presentiam, attestantur. (ibid. in contextu.) Item: *Is, qui totus vita est, res omnes creat, nullamque ideo è manu sua mortuâ expe-*

expectandam promissit. (pag. 116.) De his delirijs, imò de hac hæresi, quid cum Orthodoxis, & Ecclesiâ Catholicâ sentirem, dixi in meo Heautont. Sect. 24. §. 7. seqq. Solum inde hic transcribo verba S. Hieron. lib. 1. Comment. in cap. 8. Matt. *Error est hæreticorum, omnia putare animantia.* Sed audiamus, quid Helmontius de homine sentiat, de quo sunt eius hæc paradoxa philosophemata.

X. *Propos. XIII. Si DEVS agat per nutum, per verbum; sic oportuit hominem, si verum debeat dici eius simulacrum, agere nonnulla SOLO NUTU: neque enim id soli DEO vernaculum.* (p. 87. D.) Hæc quidem ratione, Helmonti, poterit homo creare res ex nihilo, poterit cognoscere secreta cordium, poterit mortuis vitam redere, cæcis visum, irato mari tranquillitatem. Apage, cum hæc philosophiâ, hæc incogitantia.

Propos. XIV. Homo externus est animal, ratione, & voluntate sanguinis utens: Internus vero homo, non animal; sed imago DEI veri. (pag. 79.) Hæc tuâ sapientiâ prouulgatâ, Philosophis tui dissimilibus insultas: *Videant, inquis, ergo Logici, quàm defectuose hominem à ratiocinij potestate desiniant.* Vide, tu, quo te incogitantia abducat.

XI. DE DVPLICI hoc homine, alia mysteria prodis, quæ ego Lectori inuidere non debeo.

C 3

Prop.

Propos. XV. Spiritus Externi hominis, visibilis est. (p. 82.) Cedo, an tu vidisti vbi? quando? quo colore imbutus est? An hinc quoque imitaris Magistrum tuum *Paracelsum*? qui, cum quatuor hominum genera, præter eos, qui ab Adamo, posuisset; veritus, ne non crederentur esse: ait, *se eos vidisse, familiariterque cum ijs egisse.*

Propos. XVI. Anima non separatur à corpore, nisi serio, nec reconnectionitur. Quæ tamen reconnectionis, exterioris hominis spiritui est alia vernacula. Sensus est, spiritum exterioris hominis, sic ab homine separari, ut suâ vi eidem denuo coniungatur. Sic, si Propositionem 14. consideres, homo sæpe definit esse animal. Ex quo sequitur, Pyrotechnicos, qui hoc patiuntur, sæpe esse stipites.

XII. *DOCET Paracelsus Monarcha tuus, Medicos quandoque accedere debere vetulas sagas, rusticos, circumforaneos, & ab ijs, quorundam morborum remedia discere: plus enim sciunt, inquit, quam Academia Professores omnes. Videris tu huic præcepto paruisse, ut apparet ex hac tuâ doctrinâ:*

Propos. XVII. Radius aliquis spiritualis à Zagâ (sic tu perpetuò vocas, quam alij, Saggam) abit in hominem, aut brutum, quod interimen dum statuit. (pag. 96.) Item: Ad Zagam, dissolutione suis retromeat spiritus. (pag.

97.) Nisi tua verba ponerem, Helmonti, quis crederet, tantum in te posuisse *incogitantiam*, ut talia scriberes? De zagis tuis alia habes, quæ referemus inter tua Theologica. De Philosophiâ tuâ. Naturali tantum annorasse sufficiat.

XIII. Ex quo iudicet eruditus Lector, An iure glories (pag. 16.) *Natura Interpretes solos fideles esse Pyrotechnicos*, atque adeo ab ipsâ Naturâ in filios optatos. Tum etiam, An rectè Aristotelicam Philosophiam passim vellices, quæ magno Ecclesiæ Catholicæ consensu, toto, quàm latè patet, Christiani Orbis ambitu, in Academias, & Vniuersitates inducta, & cum plausu recepta est, approbantibus Summis Pontificibus, Cæsaribus, Rebus pub. Adde, quòd (ut rectè annotarunt nostri Conimbricenses, Proœm. in Dialect.) *aliorum Philosophorum seclis penè iam extinctis, ac sepultis, Peripatetica familia in dies augeatur, & efflorescat: eiusque doctrinam non solum ij, quibus nondum celestis disciplina lumen affulserat, summo olim studio amplexi fuerint: sed etiam multis iam ab hinc seculis, & Philosophi, & Theologi Doctores, diuina fidei splendore illustrati, in maximis, & grauissimis quæstionibus explicandis: neq. tantum in Physicis, & Dialecticis; sed etiâ in Moralibus, & Diuinis, frequenter usurpet.*

Et tamen hâc reiectâ , vis nos sequi tuum
Monarcham Paracellum, hinc à *Rusticis* in
 popinis; inde à *Sagis*, & *Veneficis* Philoso-
 phiam suam haurientem. O nimis præcipi-
 tem tuam, *Helmonti*, *incogitantiam*!

VI.

INCOGITANTIA HELMON-
tij in Theologiâ prophanandâ.

I. **S**I MEMINISTI, *Helmonti*, cum *Pseu-*
do-Alchymistas in *Goclenio Heauton-*
timorumeno, describerem, (Sect. 30.) et-
 iam illud in ijs deprehendi, & reprehendi;
 Quòd cum sint *Medici*, & nihil amplius, aut
 scire tantum *Medicorum ineptæ simiæ*; nihilo-
 minus *Theologos* agant, & audacissime *sacram*
Scripturam, ad suas vanissimas nugâs detor-
 queant. In quo, si usquam alibi, stolidos, & fâ-
 naticos se ostendunt. Hæc mea ibi verba. Quæ,
 quam rectè in te quadrent, paucis hîc osten-
 dam. Ac primùm quidem generatim agam
 de *Theologia*: tum magis propriè de *S. Scrip-*
turâ Eamus iterùm per Propositiones.

Propositio I. *DEVS doctrinâ suâ dator,*
una est interpretes, (pag. 3.) Hæc Propositio à
 te ponitur, vt pro arbitrio explices quid li-
 bet, neque quispiam se immiscere audeat,
 multo minus carpere, cum *DEVS* tibi &
 scientiam, & eius interpretationem per
 Ange-

Angelum impartiuerit. Simillima, & planè gemina est Caluinistarum strophæ, qui nobis Ecclesiæ, & Patrum authoritatem vrgētibz, Priuatum suum spiritum obtrudunt. Vide, ante te, hominem Catholicum, decuerit hos æmulari.

II MIRA omnino sunt, quæ de *Nature donis* philosopharis (pag. 93.) quæ dormire doces, & excitari. Sed hoc ibid. vide an satis pium, & Catholicum:

Propos. 2. *Exercitia pia Catholicorum*, nēpe *Contemplationes continuatæ orationes, vigilia, ieiunia, & mortificationis actus*, huc spectat, ut deuictâ carnis somnolentiâ, potestatem illam agilem, caelestem, & expeditam in DEVM, nanciscantur, eumque coram alloquantur suaviter: qui non nisi in spiritu, id est interioris hominis fundo, adorari efflagitat. Huc anquam, spectat ars Cabala, quæ potestatem illam naturalem, & magicam, velut excusso somno, animæ restituat. (p. 93.) Utinam DEVS, tibi, Helmonti, excusâ illâ tam perniciosâ incognantiâ, rectiorem doctrinam, & meliorem mentem restituat! Tune illa tanta, quæ cōmemoras, illam potestatem caelestem, & in DEVM expeditam, meris *nature donis*, nullâ factâ *Gratia Diuina* mentione, attribuas? Si hæc sunt, cur igitur Pelagius, & eius sequaces, pro hæreticis habentur? Cur ait A-

postolus: *Nemo potest dicere, Dominus Iesus, nisi in spiritu sancto?*

III. COGIS me de actionibus Sagarum hic aliqua dicere, quarum velut ex professo, patrocinium suscepisse videris.

Propos. 3. *Cum zaga absens occidit equum, virtus quadam naturalis a spiritu zaga, & non à Satana, derivatur, quæ opprimat, vel strangulet spiritum vitalem equi: & hic zaga actus plane naturalis est.* (pag. 94. & 95.) Dic, rogo te Helmonti, sed dic serio, dic candidè, & ex animi tui sententiâ. Tunc deterior es zagâ? intellige, quid velim. Tunc, inquam, minus potes naturalibus tuis viribus, quàm zaga suis? Dic, quæso, clarè. Si infirmo rem te agnoscis, nimium certè tibi adimis, nemiù Veneficis tribuis, idque sine ratione. Sin te præstantiorem putas; qui sit, quod homo Catholicus, tam malè de Religione, de Principe, de Patriâ, de cognatis, & vicinis tuis mereris? Facili Magnetismo hostes omnes perdere potes, idque actu planè naturali, idque iustissimè, quippe Deo, ac Principi suo perduelles, & Patriæ perniciosos: & cessas, & impunè tot iam annos volitare permittis? Si mihi dicas, Equos interfici Magnetismo posse, non homines: primum, pro arbitrio hoc fingitur, nec ratione vllâ nititur. Deinde, saltem hostium equos interime-

rimeres, vbi pugna equestris instat, aut alioquin equorum vsus necessarius est. Magnū vtique hoc nostris hominibus emolumentum afferret. Video, quid dicere possis. Saggæ spiritus à Satana excitatur: tuus non excitatur. Quid? tu ille naturæ filius, naturalem tuam vim excitare non queas? Durum hoc videtur. Sed tamen demus hoc tibi, te non posse. At Genius tuus, Angelus tuus Custos, in re tam honestâ, tam necessariâ, vel tibi desit, vel infirmiore Satana se fateatur? Duræ hic sunt partes tuæ, si clarè, & pressè respondere velis.

III. Propos. 4. *Cuiuscumque bruti anima, vim habet CREANDI entitatem realem; & per voluntatem, dimittendi eam longius extra se, idque solo nutu. Talis quoque est virtus habitans in sanguine multorum animalium, &c.* (pag. 122.) Nihil contra hanc assero, Satis se suâ impietate refutat.

Propos. 5. *Cum Exorcismi non operantur, defectus non est in DEO: sed tantum, quia mens inexcitata Exorcista, verba reddit torpida. Itaque nemo felix Exorcista, nisi qui virtutem Magicam excitare sue mentis, nouit; vel sine scientiâ, potest.* (pag. 135.) Hæc iam incogitantia prorsus intolerabilis est. Tunc Magicas, & Magneticas nugas n. isceas Ecclesie Mysterijs: Ergone potuit DEVS per pueros pedis-

pedissequos pauculos, ingētem Syrorum exercitum fundere, & fugare. (lib. 3. Reg. c. 20. v. 14. 19. 20.) & non poterit nefarios spiritus ejicere per *Exorcistam* *magice non excitatum*? Plures restant similes Propositiones, quæ oportunius fortasse ad alia capita referrentur, quæ deinceps sequuntur.

V. MONENDVS hoc loco mihi denuo es, Multo te rectius facturum fuisse, si Theologica non attigisses. Nam quo id iure facis, cum nolis Theologos Naturalia attingere? qui tamen fere semper Philosophiam Naturalem tractarunt, antequam ad Theologiam accederent. Scio. *Pseudo-Alchymistas*, tuos symmystas, pro Theologis haberi velle. vt ostendi in Heaut. Sect. 30. Et fortè eos intelligis (p. 109.) vbi ais: *Obiectum intellectus, nuda ac pura in se essentia est, non accidens, consensu Theologorum Practicorum, id est, Mysticorum.* Horum familiam videlicet ducit Paracelsus, quem ignorantissimum, non puduit scribere, & vulgare Opera Theologica. Sed hâc Propositione tuorum *Practico-Mysticorum* (vt hoc obiter in trāscursu notem) non vides effici, vt nihil homo Christianus intelligere possit de Fide, Spe, Caritate; nihil de alijs virtutibus, aut vitijs; quæ vtique accidentia sunt: nihil de Dei gratiâ, nihil de gloriâ, sine quibus, cur, quæso

quæso Christiani sumus? Quod si hæc non magni facis, saltem vide, quid cōtra teipsum hinc conficiatur. Præfatione ad *Genium* tuum, cum scientias omnes rejceres (pag. I.) *Mathesin* excepisti. Quid, quæso, in illâ cognoscere potes, si *Accidentia* exceperis? Tolle enim *Motus*, *Magnitudines*, *Numeros*, *Proportiones*, & alia id genus; quid in *Matheſi* tibi restat? Nam cæli, & terræ substantiam ipsam considerare, Physici potius negotium est. Poterat hoc inter Philosophicas tuas Propositiones referri: sed difficile est, dum de vno agitur, non impingere in aliud, maxime vbi variè in eodem peccatur.

VI. NON POSSVM hinc abire, quin vnum addiderim, quod meritò mihi propriâ quâdâ ratione dolet; quòd *Patria mea Diuæ Tutelarem* attingat: in cuius rebus, & admirandis inquirendis, scribendis, explicandis, ex professo versor. S. HVBERTVM dico: cuius tu Miraculum stupendum, toti Orbi notum, & salutare, tuis Magneticis nugis prophanare ausus es. Sed, cum cogito, cum non in solo illo peccaueris Miraculo, rectius fortasse ad propriam

Incogitantiam referemus.

VII.

VII.

INCOGITANTIA HEL-
montij in Miraculis ridendis.

1. **P**ARACELSVS magister tuus, lib. 4. de
causis morborum inuisib. Sanctorum
Miracula à Mumià ipsorum, naturali-
ter fieri vult. Non secum reputarunt, (in-
quit, loquens de Sanctorum, & Reliquiarū
cultoribus) quòd sicut Magnes magnam co-
piam ferri ad se trahat: ita etiam homo homi-
nes ad se pellit. Item: Quòd arcana corporis
alicuius in sepulcro, signa faciunt, & auxilian-
tur agrotis sit eodem modo, ac si quem sanarent
Thermæ. Ab hoc tu, Helmonti, ista didicisse
videris.

Propos. 1. Flocculus de stolà S. HVBERTI,
intra frontis cutem demorsus à rabido, soli-
datur, & in posterum à nullà ferà rabidà feri-
ri potest, dentesque arcet flocculus. Id fit per
Magnetismum. (pag. 46 47.)

Propos. 2. Sudor in sudario D. Pauli esto
unguentum Magneticum: sudor verò agro-
rum, veletiam insensibile effluuium, ab ijs efflu-
ens, esto sanguis vulnerati, intra unguenti py-
xidem bacillo positus; è vestigio tota undique
noxa ex agro magneticè trahitur: idque eo fit
potentius, quo magnes ille supernaturalis, maio-
ris est efficacia. (p. 46. 47.)

II. AD

II. AD DVO hæc particularia exempla, addis generalia pronuntiata, quæ Catholicum animum non possunt non grauitè vulnerare.

Propos. 3. *Par est utrobique ratio, & par modus.* (nempe *Magnetismo* vtraque curatio perficitur, quæ Vnguento Armario, & quæ Sanctorum Reliquijs) Vnde *Sanctorum Reliquia* multum saltem hoc nomine sunt venerandæ. (pag. 47.) Et eadem.

Propos. 4. *Reliquia Sanctorum, ut Vnguento Magnetico proximiores euadant, è quibusdam fontem olei, liquoris balsami indefinenter stillantem excitauit nostri miscratus DEVS: quo scilicet magnetico remedio utrobique suffulti, CERTO sciamus, Curationem Magneticam DEO acceptam, & in viroque mundo, consimili ordine, pari passu, vnoque ductore ire. Quænam tandem hæc est impij magnetis labes, qui non contentus castam naturam incestare; etiam DEI Omnipotentis vim, Mirabilem extra ordinem, effectricem, contaminare satagit? Cedo, quid est DEI, & Diaboli opera, paria facere, & pariter reuereri, si hoc non est? Saltem vnum nobis, Helmonti, exemplum produceres, vbi Sancti alicuius Reliquiæ, ad hominem seruandum, ipso homine relicto, telo applicentur, quo homo vulneratus. Tale esset, si flocculus ille è stolâ*

S. Hy-

S. HVBERTI, denticanis rabidia affricaretur, qui hominem morſu offendit. At id, non modo hiſtrionicum, vt in tuo Vnguento Armario; ſed & inſigniter impium eſſet. Quomodo ergo hæc *conſimili adeò ordine, & pari paſſu eunt?*

III. PERGIS tamen hæc æquare, & allatis circumſtautijs, eam æqualitatem explicare, & illuſtrare. Iterum eadẽ pag. 47. & ſeq. 48.

Propoſ. 5. *Hinc nempe Reliquia recentiora, & anguſtiora edunt miracula, vel ubi transferuntur, tanguntur, &c. quia neceſſe eſt, Magnetem fricari, moueri, ſi ipſum trahere oporteat. Heu! Helmonti, quo raperis? Hactenus Catholici homines illam Curatio- num gratiam tribuerunt piorum hominum precibus, Sanctorum deprecationi, & DEI in primis bonæ voluntati: qui vt ſingulis, teſte Apoſtolo, diuidit prout vult; ita & quando vult, & quantum vult, & quam diu vult. At tu attribuis motui, & fricationi, vt ſic omnia ſeruiant Paracelſi inuentioni, & tuæ, paucorumque tui ſimilium opinioni. Quæ utinam nunquam in Chriſtiano Orbe audita eſſet, ad ſimplicium, aut curioſarum mentium ſubuerſionem.*

VIII. IN-

VIII.

INCOGITANTIA HEL-
montij in Sacra Scriptura cor-
ruptione.

I. MIRVM, atque adeò incredibile me-
moratu est, quo hominem affectus
deducat, vbi eum semel occupauit.
Etiam ad vana, ad paradoxa, ad superstitio-
sa, ad impia. Non amplius querendum est,
—— *An qui amant, ipsi sibi somnia fin-*
gant?

certa res est. Et quidem —— *velut agri so-*
mnia —— ut nec pes, nec caput uni reddatur
forma —— Talia sunt tua, Helmonti, quæ
adeò tibi placuerunt, vt omnia illis subser-
uire velis, Philosophiam, Theologiam, Mi-
racula, Sanctorum Reliquias, & quid non?
Quid non? inquam, quando & Sacrosancti
diuinarum Scripturarum Codices, velut
obtorto collo, eò trahuntur? Decernit S.
Tridentina Synodus (sess. 4.) *ne quisquam*
sacram Scripturam ad suos sensus detorquat:
ne ad profana, fabulosa, vana, superstitiones, a-
butatur. Tu, Helmonti, abuteris ad profa-
nissima, vanissima, fabulosissima, & super-
stitiones planè diabolicas: & insuper tibi
plaudis. Facio tibi magnam iniuriam, nisi
D hæc

hæc clarè ostendo. Faciam hoc, sumtis ex libello tuo exemplis, & ordine librorum S. Scripturæ, propositis.

II. LOCVS 1. Genes. 2. v. 9. & 17. nominatur *lignum scientiæ boni & mali*. Cap. 3. v. 5. dicuntur, qui gustauerint, futuri sicut *Dij, scientes bonum, & malum*: & v. 22. de ijs, qui ederant, dicit DEVS: *Ecce Adam quasi vnus ex nobis factus est, sciens bonum & malum*. His locis, quàm peritè vtaris, videamus. Pag. 5. ais, scientiam fuisse esu pomi acquisitam. Pag. 9. In somno subinde totam pomi scientiam dormire; & pag. 91. consopiri. Pag. 103. *Animam velut somnolentam, per scientiam, pomi esu acquisitam, redditam*. Denique pag. 116. omne rationis terminos egressus, ipsi *Pomo scientiam tribuis, & Phantasiam*. Nonne multam scientiam in pomo fuisse credimus? inquis, eiusque esu *Protoplastos scientiam vnâ esitasse, & intus concepisse? & an non scientia, phantasiâ sui generis præsupponit?* Quis tandem hæc expectare poterat ab eo, qui ab *Angelo Custode* edoctus sit? Atqui scire te oportebat, Helmonti, loca illa, à me allegata (nam tu nulum produxisti, sed tamen necessario ad illa alluisti) nihil quicquam habere, quo tuum illud inauditum paradoxum iuuetur.

III. NAM, generatim vt semel dicam, non
alia

aliâ ratione *Lignum* illud, siue arbor vocata est *scientia boni, & mali*, quàm quòd eius elu tactum est, vt, quemadmodum antè sciebant bonum experientiâ, scirent itidem, miserâ heu experientiâ, magnum omnino malum, quod, fructum edendo, incurrerunt, nempe peccatum, & illud infinitorum malorum diluuium, quod peccatum consecutum est, Inter quæ mala, Theologorum consensu, & *Ignorantia* fuit: pro quâ tamen tu *scientiam* substituis, quam lepidè ais, *Protoplastos unâ cum pomo esitasse*. Addo, in primo Genesi loco, à Moyse *Lignum* vocari *scientia boni, & mali*, per prolepsin, siue anticipationem; quia videlicet postea sic vocatum fuit. Iam, vt sigillatim de singulis locis dicam, primus, quo sensu intelligendus sit, patet satis ex ijs, quæ iam dixi. Secundus, nihil habet, nisi mendacissimam pollicitationem Infernalis Serpentis Diaboli. Itaque restat, vt intertio totam vim ponas. Quid ni ponam? inquis. Non iam Diabolus, sed DEVS est, qui ait: *Ecce Adam quasi unus ex nobis factus est, sciens bonum, & malum*. Scio, Helmonti, & fateor. Sed videndum, quo sensu ea prolocutus sit DEVS. *Sarcasmus* videlicet est, & amara irrisio, quæ contrarium planè intelligi vult, quàm verba sonant. Huius

rei, præterquam, quòd ratio dicat sic intelligendum, authores habeo *Gennadium, Theodoretum, Epiphanium, Teodorum Heraclioten, Augustinum, Rupertum*; & recentiores *Delrio, & Pererium*. Tu vide, quos his opponas; & caue incogitantiam.

III. LOCVS 2. Pag. 99. *In sanguine, etiã post mortem, inest suus præsentis homicida sensus, sua quoque phantasia. Ideo non ipsius Abel, sed innocens sanguis eius, clamat tamen in cælum vindictam.* Pag. 100. mirificè explicas illud vindictæ desiderium, & patrationem. *Fortissimæ impressiones, inquis, in spiritum fiderem morientis relinquuntur posthumæ: qui mox ab obitu, in aere oberrans, suæ classis, id est, spirituales nocendi, ac ulciscendi modos cõminiscitur, & promptus patrat.* Tu hæc cõminisceris, *Helmonti*, quæ innocenti spiritui affingis. Sed absurdius commentum est, quòd huius commenti authorem nobis obtrudis sacram Scripturam. Gen. 4. v. 10. *Vox sanguinis fratris tui clamat ad me de terrâ.* Hinc tuum commentum velle elicere, aut roborare, vt tibi simpliciter dicam, est scripturam corrumpere. Nam tota hæc sententia illud tantum vult, *Paricidij reatum terribilem apud DEVM vindictam expostulare: id est, DEVM ad vindictam excitari, dum atrox illud facinus con-*
fide-

siderat. Acutè tibi videris dicere, *non ipsum Abel clamare, sed eius sanguinem.* Quid dicis, cum legis (Heb. 12. 24.) *Christi sanguinis asperisionem, melius loquentem, quam Abel?* Quid, cum Apostolus Iacobus (cap. 5. 4.) ait, *Mercedem operariorum, qua fraudata est, clamare?* Quid cum audis Angelum (Gen. 19. 13.) *increuisse clamorem Sodomorum coram Domino?* Et, ut propius te premam, quid, cum clamant (Apoc. 6. 10.) *interfecti voce magnà?*

V. AD EXTREMUM, ex professo, & ut Schola loquitur, formaliter tibi scriptura reclamationat, cum ais, *Non ipsum Abel clamare.* Nam audi Apostolum (Heb. 11. 4.) *ABEL defunctus adhuc loquitur.* Remoue, obsecro, tam inconsideratam incogitantiam.

LOCVS 3. Leuit. 3. 17. *Nec sanguinem, nec adipem omnino comedetis.* Item, cap. 17. 11. 14. *Anima carnis in sanguine est.* Item Deut. 12. 23. *Ne sanguinem comedas: sanguis enim eorū pro animā est: & idcirco non debes animam comedere cum carnibus.* Ex his locis rectè probari putat meus Helmontius, *Sanguinem esse animatum*, etiam tum, cum iam extrahenatus est, ut ipse loquitur, atque adeo coctus. Nec semel hoc dicit, sed repetit sæpius, pag. 106. 122. 126. 132. Sed nobis non persuadet. Neque enim aliud vult Scri-

ptura, nisi, *Sanguinem esse Anima*, id est *vita, vehiculum*; quia videlicet sanguine alitur, & conseruatur vita. Item nutrimentū est. & tutela vitalium spirituum. Præ alijs enim humoribus, calorem naturalem, & humidum radicale ministrat & fouet. Denique est sanguis in homine, sicut oleum in lampade. Ita fere allata Scripturæ loca explicat S. Augustinus, quæst. 57. in Levit. quæ vide, & audacter ei potius, quàm Helmontio, crede.

VI. LOCVS 4. Lib. I. Reg. cap. 18. v. 1. *Anima Ionatha conglutinata est anima David: & dilexit eum Ionathas, quasi animam suam. Quid hinc conficis, Helmonti, & quomodo locum hunc pro te exponis? Ais, (pag. 106.) Spiritus cum spiritibus agere, & amicari; idq; te ostendisse exemplis magneticis, & rationibus propriis, pro fascino, & ligationibus animarū, prout de Davide & Ionatha, &c. Non agnoscimus hic, Helmonti, nisi honestissimum amorem: neque conglutinatio illa aliud significat, nisi alterum dilexisse alterum quasi animam suam, vt verba ipsa sonant. Et satis notus est frequentissimus Hebræorum idiotismus, qui geminato orationis membro sic vtuntur, vt posterius sit prioris explicatio. Proinde a page cum impio fascino, & veneficarum ligationibus.*

Locus

LOCVS 5. Lib. 4. Reg. cap. 5. v. 27. Elisei Prophetæ verba sunt ad impium seruum suum Giezi: *Lepra Naaman adhærebit tibi, & semini tuo, usque in sempiternum. Et egressus est ab eo leprosus, quasi nix.* Cuinam in mentem veniret, à quoquam hæc verba v-
surpari posse ad stabiliendos impios, & diabolicos Magnetismos? Audi, Lector, Helmontij hæc etiam in re *incogitantiam*, & obstupesco. Pag. 25. & 26. *impiam medicinam docet, quâ agritudo ab homine in canem trahitur. & ab it; non secus, inquit, atque in Ghiesin lepra Naamani, execratione transmigravit.* & pag. 28. non sine insultatione: *Quasi, ait, non eadem lepra è Naaman in Ghiesin esset traducta & iterum idem NUMERO, in canem transplantatus.* Equè clarè in margine: *Idem numero morbus subiecta mutat.* Itane tandè, Helmonti? *Eadem numero Lepra è Naaman in Giezi transmigravit?* Mitto Philosophiâ tuam; de quâ suprà actum. Huius loci indignam corruptionem iam spectro.

VII. LEpra Naaman iam antè fugerat, Helmonti; Nam *restituta est caro eius, sicut caro pueri parvuli, & mundatus est. v. 14.* Iam mundus venit ad Eliseum; munera repugnantem mundus obtulit; mundus duorum burdonum terræ onus petijt; mundus abiit. Interea impius Giezi insequitur, mentitur,

munera petit, & accipit, cum pueris Naamā vesperi domum redit, vestes réponit, viros dimittit, & ingressus stat coram domino suo. Ab illo examinatur, mentitus conuincitur, ac demum leprâ percutitur. Hæc omnia facer textus disertè narrat. Iam dic, Helmonti, vbi interea *eadem numero lepra* hæserat? Certè non in Naaman, qui *mundatus* erat: non in Giezi, qui tanto post leprâ infectus est. Vbi ergo tandem fuerat? an alicubi in aëre expectabat, dum infelix seruus peccaret, & peccando eam incurreret? An fortè Pyrotechnici non aliter morbos faciunt, nisi vt alijs, velut hæreditate, immittantur? Si à me quæras, Quo igitur modo Lepra Naaman dicatur, si Naaman non erat? facilis responsio est. Sat est, fuisse lepram similem, atque ad eamdem, non numero, vt fingit tua *incogitantia*, sed *specie*.

VIII. LOCVS 6. Sapient. 1. 7. *Spiritus Domini repleuit orbem terrarum. & hoc, quod continet omnia, scientiam habet vocis.* Huius loci sensus minimè dubius, aut difficilis est, si antecedentia, & consequentia inspiciamus. Nempe, Spiritus S. omnium & cogitationes, & sermones probè nouit, ita, vt frustra sit, qui illum quicquam latere velit. Helmontius (pag. 116.) cum veller probare, *omnia viuere; neque rem ullam esse, in qua is,*
qui

qui totus vita est, non elucescat præsens: ita id conficit: Spiritus Domini totum repleuit orbem terrarum: imo hoc, quod continet omnia, vim vocis habet. Mitto reliqua. Sed quid in mentem venit homini, qui de Catholicum Romanum profitetur (pag. 137.) ut vim vocis scriberet, quod in Biblijs Romanis legebat SCIENTIAM? Græcus contextus habet, γνῶσιν ἔχει φωνῆς. Vbi vnquam legit, γνῶσιν significare vim? Helmonti, hæc est corruptio, quæ neque in Germanicis Lutheri; neque in Gallicis Biblijs Caluini reperitur. Doleo vicem tuam. Vide, quid potest affectus cum infelici incogitantia.

LOCVS 7. Matth. 6. v. 21. *Vbi est thesaurus tuus, ibi est & cor tuum.* Idem Luc. 12. v. 34. Hic vtriusque Euangelistæ sermo, imo Christi ipsius, ita clarè significat, affectum, & cogitationem nostram eò ferri, vbi Thesaurus noster est, id est, quod thesauri instar amamus, cumulamur, custodimus; ut nemini Interpreti aliud vnquam in mentem venerit. Venit tamen longè aliud Helmontio. Pag. 78. *En, inquit, habes nunc rationem positam Magnetismi in vnguento naturalis, ex Magiâ naturali depromitam; cui assentitur lux veritatis: Vbi thesaurus, ibidem cor, inquit. Si etenim thesaurus in calis sit: tunc cor, id est, hominis interni spiritus, in DEO est.* Sin

verò in caducis thesaurus configitur; tunc quoque exterioris hominis cor, & spiritus, in caducis est. Non erat satis, Veteris Testamenti Scripturam Magnetismis seruire, nisi Evangelia quoque eò traherentur; & Christi DEI verba, cogerentur Diaboli opera confirmare. Sed non hic sistit Helmontiana incogitantia. Dixi paulò antè, nemini Interpreti vnquam in mentem venisse, aliud hic doceri, quàm cogitationem, & affectum hominis eò ferri, vbi id est, quod diligit. Helmontius omnes Interpretes, tamquam frivolos, reijcit, vt suis Magnetismis præfidio sit. Nec laborat, sancti ij sint, Veteres, Noui. Omnes Magnetismis cedant necesse est. Audiamus illum. *Nec est, inquit, quod mysticum sensum afferas: sumendo non spiritum, sed cogitationem, & desiderium nudum pro corde.* FRIVOLVM etenim contineres, quod vbiicumque homo suâ cogitatione thesaurum collocaret; ibidem sua esset cogitatio. Sic quidem, Helmonti, FRIVOLAM interpretationem hætenus attulerunt Patres omnes, atque adeo tota Catholica Ecclesia, cuius te filium profiteris. Modestius, quæso.

IX. COGIT me Christiana caritas, mone-
re te hîc loco, Helmonti, *Formulam Pro-*
fessionis Fidei Catholica vt memineris, quam
te publicè fecisse necesse est, si vnquam Gra-
dum

dum aliquem dignitatis (vt ego arbitror) in Philosophiâ, aut Medicinâ, suscepisti in aliquâ Vniuersitate Catholicâ. Eius *Professionis*, præter aliâ, etiam hæc verba coram amplissimo Catholicorum Academicorum conuentu, pronuntiasti: *Sacram Scripturam, iuxta eum sensum, quem tenuit, & tenet sancta mater Ecclesia, cuius est iudicare de vero sensu, & interpretatione sacrarum Scripturarum, admitto: nec eam vnquam, nisi iuxta unanimum consensum Patrum, recipiam, & interpretabor.* Tunc id hoc loco, Helmonti, facis, qui *unanimem Patrum, & totius Ecclesie consensum*, Magneticorum tartareorum gratiâ, FRIVOLVM vocas? Sed antequam ab hoc loco, & tam insigni hac corruptelâ abeo; alia quedam distinctius notanda sunt. *Primum*, illud est, quòd illum SS. Patrum, quem dixi, sensum, *Mysticum* vocas, cum sit clarissimè, & apertissimè *literalis, & historicus*. Non erat tuum, hoc iudicium vsurpare. *Alterum*, quòd *Cor*, interpretaris, non cogitationem, aut affectum; sed *Hominis interni*, vt tu loqueris, *spiritum*: id est, *Animam*. Quis enim alius hominis spiritus est? *Tertium*, quòd alium constituis *Exterioris hominis spiritum*: atque ita duo spiritus in homine sunt. Non debebas *Pyrotechnicâ* tuâ Philosophiâ, etiâ DEI verbum conspurcare, *Quartum*, quòd

vtrum-

utrumque illum spiritum *localiter*, & *realiter presentem* facis *Thesauro*, id est, rei amatae, etiam si ab eâ homo procul absit. Id patebit loco proximo. Hoc autem quid aliud est, quam hominem constituere sine Spiritu, & sine Animâ? nisi vel diuisibilem ponas hominis Spiritum, vel aliquam Spirituum, in vno homine, legionem.

X. SED ALIAM tuam audaciam, siue maius, *incogitantiam* videamus, & aliud cõmentum, huic commento fulciendo, inuentum.

LOCVS 8. Matth. 24. v. 28. *Vbicumque fuerit corpus, illic congregabuntur & aquile.* Vide & Luc. 17. 37. Iterum hæc verba sunt cælestis Magistri, quibus hoc nobis indicare voluit, aduentum suum ad iudicium, ita omnibus fore manifestum, vt neminem latere possit, nemo dissimulare queat: omnes eò concursuri sint, & *velut aquila ad cadauer*, aduolaturi. Sic proximè antè similitudinem *Fulguris*, omnibus conspicui, posuerat. Horreo referre Helmontij ad hunc locum, glossam, ab inauditâ *incogitantia*, profectâ. Tamen, quia dissimulare non possum, simpliciter, vt apud illum inuenio (pag. 78. 79) ponam. *Ipsa quoque veritas* (sunt eius verba) *textum presentem* (nempe proximè propositum, vbi *Thesaurus*, ibi *cor*) *non mysticè inter-*

ter-

interpretatur, adiunctoque exemplo, ostendit realem & localem presentiam aquilarum ad cadauer. Iterum pag. 80. post nugas quasdam Paracellicas, de *Magnetismo aquilarum*; (ut ipse loquitur) ad cadauera, victoriæ certus, ita concludit: *At quid opus est, auinum magnetismum inculcare pluribus: si DEVS ipse, Philosophiæ initium, & finis, eundem processum cordis & thesauri, cum auibus & cadauere, atque vicissim, expresse statuat? Et mox: Itaque non est comparatio cordis humani, & aquila, in fine, propter quem ad desiderium tendunt: sed intentionis modo; nempe quod alliciantur, & ferantur per magnetismum, realiter, & localiter.* Hinc denique ostendit vim impij Vnguenti Armarij: *Igitur spiritui, & voluntas sanguinis, è vulnere habuit; & in Vnguentum paxillo intrusi, tendunt ad thesaurum suum, id est, reliquum sanguinem, adhuc vitæ interioris hominis potentem.*

XI. VELLE, cum ad hæc fundenda, infamis te incogitantia abriperet, oculis subiecisses, & animo, terribiles illas minas, sacrarum Scripturarum corruptoribus, tam seuerè intentatas: *Si quis apposuerit ad hæc apponet DEVS super illum plagas scriptas in libro isto. Et si quis diminuerit de verbis libri prophetia huius, auferet DEVS partem eius de libro vite, & de civitate sancta, (Apoc. 22. v.*
18, 19.)

18.19.) Non potest minus expectare, qui Euangelij addit, vel detrahit. quàm qui Apocalypsi. Equidem misericordiarum Patrem supplex venenor, ne horum quicquid in te deæternat: quin potius animum tuum *scientia, & Consilij spiritu* imbuat, quos, quid veritas, quid pietas, quid ius, & fas postulet, agnoscas, & sequaris. Dabo operam, ut hic quoque in partem iuueni. Attende, & Christiano animo accipe; quæ dicuntur. Ais, *Ipsam Veritatem*, id est, Christum, *textum de corde, & thesauro*, interpretari non mystice, & ADIVNCTO EXEMPLO, ostendere realè, & localem præsentiam aquilarum ad cadauer. Ais, DEVM IPSVM, eundem processum cordis & thesauri, cum anibus, & cadauere, atque vicissim, EXPRESSE STATVERE. Ais, *Comparisonem cordis humani, & aquile*, esse in tensionis modo; nempe quod alliciantur, & ferantur per *Magnetismum realiter, & localiter*. Desunt mihi hoc loco verba Helmonti, quibus meam admirationem, & iustissimam indignationem, non dico explicem, sed obiter dumtaxat proponam. Indignationem dico, non in te; (quem video fatali incogitantia ferri, aut etiam rapi) sed in amicos tuos, si qui libellum tuum, antequam publicaretur, viderunt. Neminemue vnum fuisse, qui Euangelij codicem saltem inspicere,

ceret. & videret, an illa, quibus adeò triumphas, latis cohærent, vt te deinde moneret, ac honori tuo consultum iret ? Vide, quanto ego amicior, quem tamen minimè amicè tractas.

XII. Germanum Scriptorem, suo in genere nobilem legi, qui cum aliàs Hæreticos multifariam. & feliciter exagitauit: tum aliquando graphicè eorum in Scripturis, pro prauo suo dogmate, adducendis, ineptiam ostendit. Cum enim in suggestum concionaturus ascendisset, Euangelij textum aliquem de more, ipso initio, proposuit. Audi eiusce textus particulam: *Extractus autem neribus, amputauit auriculam eius dexteram, dicens: Amice, tolle quod tuum est, non facio tibi iniuriam. Dixitque illis; Pueri, nunquid pulmentarium habetis ? at illi obtulerunt ei paralyticum, dicentes; Domine, ecce duo gladij hic. Mitto cætera.* In his, duo illa clarissima sunt: prius, Verba omnia ista, verbotenus esse Euangelij: posterius, tam ineptè inter se cohære, vt irrisio potius Euangelij videatur, quam honorifica recitatio. Neque tamen bonus ille Concionator irridendi Euangelij causâ sic proponebat: sed vt hæreticorum ineptiam, vti dixi, in Scripturæ sacrilego abusu ostenderet: qui quantumuis meras Scripturas creparent; nihilo tamen

men magis cohærenter, & rebus conuenienter afferrent, quàm illa propositi textus verba aptè connecterentur. Quod ille mox luculentâ concione explicauit. Quorsum tandem, inquis, hæc narratio? Mi Helmôti,

———— *Mutato nomine, de te*

Fabula narratur —————

Non equidem *fabulam* narraui. Sed historia ista tam accuratè in tuam hoc loco Evangelij corruptelam, conuenit, vt ad eam explicandam, datâ operâ, conficta videri possit. Vereor, ne nimis diu te suspensum teneri dicas, Lector amice. Rem audi. Quomodo Helmontius meus, locum de *Thesauro, & Corde*, explicando corruerit, iam iam audisti. Iam, quomodo, per hunc alterum, de Aquilâ, locum, corruptelam illam probet, attende.

XIII. AIT, DEVM ipsum (iuuat enim repetere) adiuncto exemplo, expresso statuere eundem processum cordis, & thesauri, cum aui-
bus, & cadauere. Primum fateor, Christum esse DEVM ipsum. Tum etiam, ab eo esse doctrinam illam vtramque, de corde, & thesauro; & de aquilâ, & cadauere. Sed eum inter hæc *comparisonem* instituisse, aut *processum* statuisse, id verò pernego. Grauis incogitantia Helmontiana lapsus est. Christus nihil tale vllò verbo, aut signo insinuat,
nedum

nedum EXPRESSE STATVIT. Magna omnino hæc audacia est, Helmonti, & quâ Ecclesia ferre, aut dissimulare, non debeat, non possit, nisi incogitantia excuset. Tunc hæc toties inculces, quasi à Christo SIMVL proposita? cum ea ita seiungant Euangelistæ, vt prius quidem referat Matthæus cap. 6. posterius verò, cap. 24. Lucas autem cap. 12. & 17. Si dicas, Euangelistas non semper obseruasse ordinem rerum gestarum: hoc equidem tibi dabo. Sed hoc vicissim mihi concedas necesse est, non nisi temere te cõiunxisse, quæ adedò disiuncta repereras; & non nisi audacter nimis Christo id attribuisse, vt ADIUNCTO exemplo, EXPRESSE statueris, &c. Deinde: scito, iuxta optimorum authorum subductionem, tempore quoque multum à se mutuò abfuisse hos duos Christi sermones. Prior habitus est secundo Prædicationis anno; posterior, in fine tertij, non multo ante beatam Mediatoris nostri Passionem. Denique *toto fere biennio interiecto hæc protulit: & tu tam sis incogitans, vt sæpius repetas, ipsam Veritatem, ipsum DEVM, inter hæc comparationem instituere; alterum per alterum, tamquam adiuncto exemplo, confirmare: processum eundem expresse statuere?* Helmonti, si hæc, quæ tam asseuerantur affirmas, ostendere possis; polliceor

liceor ego bonâ fide, me quoque demonstraturum, optimè sensu, & tempore coherere illa: *Amputavit auriculam eius, dicens: Amice, tolle, quod tuum est, non facio tibi iniuriam.* Et illa: *Obtulerum ei Paralyticum, dicentes, Domine, ecce duo gladij hic.* Addamus, diuersissimi argumenti fuisse sermones, quibus duo illa locutus est Christus Dominus, vt cuius obiter modò inspicienti palam est.

XIII. LOCVS 9. LUC. 10. v. 31. *Incidit quidam in latrones. Pertranseunt Sacerdos, & Leuita. Samaritanus autem alligat, eius vulnera, &c.* Compendiò pono Parabolam factis notam. Audiamus eius explicationem ex Helmontio. Pag. 16. hinc probat, *Natura interpretes solos esse Spagyros.* Postquam Sacerdos & Leuita transiissent in Iericho, successit Samaritanus Laicus, qui omne ius Sacerdotibus inquirendi rerum causus, eripuit. *Natura idcirco ABINDE, non Theologos in sui interpretes vocauit: sed SOLOS Medicos in filios optauit: & quidem tales dumtaxat, qui Pyrotechniâ instructi, rerum proprietates examinant, &c.* Quid sibi vult, Helmonti, tuum illud ABINDE? Nempe, *Ex quo Samaritanus vulnera alligauit.* Atqui nunquam illud factum est: neque enim historia est, sed Parabola, vt omnes Catholici hætenus senserunt.

rant. Atque ita nunquam *Pyrotechnici* Naturæ Interpretes facti sunt. Quid amplius ad hunc locum dicam? si ridiculè aliquid fingere voluisses, dignum *Alcorano*, vel *Thalmud*, nescio, quid magis ridiculū potuisses.

LOCVS 10. Iohan. 1. 13. *Qui non ex sanguinibus, neque ex voluntate carnis, neque ex voluntate viri, sed ex DEO nati sunt.* Helmontius, p. 75. *Carni & sanguini voluntas competit, quæ non sit voluntas viri, nec voluntas DEI.* Corruptio est ista, Helmonti, non Scripturæ interpretatio. Nam Catholici Interpretes, *θελµα* siue *voluntatem* carnis, pro carnali concupiscentiâ accipiunt, Hebræorum more, qui *Chaphets*, quemuis appetitum vocât. Ita Isa. 58. 3. 13. & Ephes. 2. v. 3. Tu hinc figmentum tuum *Pyrotechnicum* probari putas, quo duas in homine voluntates ponis. Hæretici *Monothelita* dicti, inde hæretici censebantur, quod unicam in Christo voluntatem ponerent; ex eo enim sequebatur, unicam esse naturam. Vide, quid de te censendum sit, qui in quovis homine duas voluntates ponis. An non pari ratione plures ponas naturas.

XV. LOCVS 11. Iohann. Epist. 1. cap. 5. v. 7. 8. *Tres sunt, qui testimonium dant in celo: Pater, Verbum, & Spiritus sanctus: & hi tres unū sunt. Et tres sunt, qui testimonium dant in ter-*

ra spiritus, aqua, & sanguis: & hi tres unum sunt. Helmont. Pag. 137. 138. ut per solitam *Incogitantiam*, ostendat, se in S. Scripturæ contextum quoque, non modò in Interpretationem, ius habere: pro, *In calo*, scribit, *In calis*: Item, in eadem priore sententiâ, additâ voculâ, *Hi tres, TANTVM unum sunt.* Quod idem repetit in posteriore. In quâ etiam pro, *In terrâ* pònit *In terris*. Porro, utcumque parui, aut magni momenti videatur mutatio; modestum Ecclesiæ Catholicæ filium decebat scribere, ut à sanctissimâ Matre, tot iam seculis, receptum fuerat. Sed interpretationem quoque videamus posterioris membri. Nam prioris Helmontius nò attingit. Primum ait, posteriore membro, *Iohannem de Humanitati Christi loqui.* Cum loci difficillimi multæ, & diuersæ admodum sint, tum antiquorum Patrum, tum recentiorum Doctorum, expositiones: nemini tamen in mentem venit, ut de *Humanitate Christi* agi doceret, eo modo, quo Helmontius. Vide *Lorinum* postremum in illum locum. In eo fere omnes conveniunt, *Christi Divinitatem triplici testimonio probari.* Itaque delira *incogitantia* Helmontij est, qui rectè se ita concludere arbitratur. *Nos igitur, qui parem humanitatem habemus: mirum non est, si sanguinem, & spiritum consimilis unitatis continen-*

*tineamus: sitque SANGVINIS ACTIO ME-
RE SPIRITVALIS.* Hunc locum, ac totum
librum suum concludit Helmontius hisce
verbis: *Abscide igitur, quisquis es, à pertina-
ciâ: & alium prater Cacodæmonem, in sangui-
ne spiritum agnosce, nisi Scriptura ex aduersum
eas.* Hoc planè sacrilegio, tamquam sigillo,
obsignandus fuit codex, qui tot alias conti-
nebat sacrilegas impietates. Quomodo e-
nim lenius appellem assertionem, quæ fœ-
tidum cuiuscumque latronis sanguinem,
comparat SANGVINI AGNI IMMACV-
LATI CHRISTI? quæ ex hoc diuino SAN-
GVINE probat *nugas, & veneficia Magne-
tica?* quæ denique insuper, ipsam Diuini
VERBI verbum eò trahit, vt idem dicere
videatur: & quidem ita, vt eiusdem verbi i-
nimicus sit, qui infamem illam ei notam
non impingat? Heu tristem *incogitantiam!*

IX.

*INCOGITANTIA HELMON-
tij in docendo ex professo superstitio-
sa, impia, perniciosa.*

1. **H**VIVS *Incogitantia* exempla aliquot
producamus ex Helmontio: sed ita,
vt qui ex eius libello non didicerit,
ex meo non accipiat, id est, sic producamus,

E 3

vt

ut quinesciunt, melecto, æquè ignorent, quo impium quippiam patrare possint: sed non ignorent, Helmontium graue scandalum impijs, & perniciosè curiosis, obtrusisse.

*Exemplum 1. pag. 25. Docetur transplan-
tatio morborum, agroti sanguine cortici oui in-
cluso. Quicquid contra Vnguentum Arma-
rium militat, contra hanc itidem stolidita-
tem valet. Vide meum Heautontimorumenõ.*

*Exempl. 2. Pag. 26. Impia ratio ponitur,
quâ mulieris ubera sterilecant. Idem iudi-
cium.*

*Exempl. 3. Ibidem. Scurriliter, & impiè
cacatori (ita loquitur honestum dogma)
scabies immittitur. Manifestè à CACO-DÆ-
mone hæc præscriptio est, siue priorem vo-
cis partem è Græciâ, uti debet, accipias: siue
è Latio.*

*II. Exemplum 3. Pag. 29. ait Helmontius,
Philtrea mumialem con fermentationem requi-
rere, ut ad certum obiectum trahatur dilectio.
Vnde apparet, Quicquid Magnetici Docto-
res Mumia in absens obiectum tribuunt, ab
eodem Cacodæmone esse: cum hactenus
Catholici omnes, Philtrea non nisi à Diabo-
lo esse intellexerint.*

*Exempl 4. Pag 30. 31. Herba aliquot in ab-
sens vulnus, vlcus, morbum, agere perhibentur.*

Quâ

Quâdere idem censeas, quod Exemplo 1.

Exempl. 5. Pag. 96, 97, 98, 99. Impia, execranda, horrenda, & planè venefica *ratio docetur, Veneficas, siue Sagas deprehendendi, earumque veneficia*; extracto corde animantis, ab ijs interfecti, &c. Neque modò traditur, sed cum plausu laudatur, pia esse asseritur, & defenditur. Quis credidisset, in Catholicum hominem tantum posse incogitantiam? Hæc talia à rusticis, & popelli fæce, quandoque fieri, etsi miserum est, tamen utcumque intelligi, & cum commiseratione, aliquatenus ignosci potest: sed à Medico, à *Pyrotechnico, natura filia, & Interprete vnico*, ita sentiri, iudicari, doceri, publico scripto vulgari, & in vrbe Galliarum Regi-
nâ, typis excudi; ac denique pro stipitibus, & fungis haberi eos, qui in eandem sententiam ultro non eant; atque etiam impietatis eosdem damnari, qui hanc impietatem respuant: enimverò quid dicam, nescio. Videant, quorum interest.

X.

*INCOGITANTIA HEL-
montij in reprehendendo, & tamen
imitando Goclenio.*

1. **M**ISEROR iniquam sortem Goclenij. Is à *Magnetismis, & Characteribus*

ribus suis dementatus, eiusmodi effutierat, quæ, cum de *Superstitione* Dissertatiunculam adornarem, præterire omnino non possem, quin ostenderem, ex inferno ea emerſa, vt impiè curioſa ingenia tenerent; nimis albas mentes, tartaræ deceptionis caligine inficerent. Et quamquam Goclenij rationes, & firmamenta ostendi eſſe inſiſſiſſima, & omni carere ratione; tamen *rem ipſam*, potiſſimum vti debui, demonſtraui eſſe Diabolicæ ſuperſtitionis compertam. Eo uſque, alternis ſcribendi ſerram reciprocando, deducta re eſt, vt Goclenius ſeipſum damnauerit, tum pleraque, quæ antè adorabat, ultro damando: tum ignauo ſilentio, & præuaricatione. Deniq; delirus factus, oſtendit, cuiusmodi illa eſſet *ſulta ſapientia*. Hoc, cum plus ſatis mali videretur, exortus eſt *Helmontius*, qui miſeriam adderet miſero. Indignatur grauiter, & ſuccenſet, quòd *Curationem Magneticam*, vt oportebat, defendere nequiuert. *Ingemuit* videlicet (vt profitetur pag. 8.) *Naturalium rerum hiſtoria*, tam debilem patronum obtigiffe. Indignatur, *continuatam*, ſæpius repetito typo, probationis ſterilitatem. Ait, inueniſſe promiſſerem Goclenium, ad tantum munus imparem.

II. Не quъ hic ſiſtit. *Nuſpiam*, inquit,
vel

vel tenuiter saltem, titulo, aut pollicitis satisfacit. Item: (pag. 9.) *Multa hinc inde rapsodia colligit --- quò ignotum sibi Magnetismum comprobet.* Postea, à pag. 9. ad 12. septem Goclenij errores, sigillatim enumerat, ac rectè se refutare, suauiter sibi persuadet. Mitto alia. Illud omitti non debet, quod (pag. 71.) disertim profitetur, illis verbis cedro notandis: *INSUFFICIENTIÆ Goclenij, hâc in parte REPARANDÆ, SVBSTITVTI fuimus.* Miser Gocleni! en quò *Magnetica tua Sapiencia* deuenit! Tuus *ὁμότεχνος*, amicus, ac frater tuus, medicus *Pyrotechnicus*, à natura in filium optatus, solus natura eiusdem *Interpres fidelis*; vt tibi Victori Triumphum canit! Sed bono animo es. Non ita potuit agere Momum tuum; quin passim ageret *Imitatore* tuum. Illud, Lector amice, cum iam obiter demonstratum sit; ad hoc alterum me conuerto, & aliquot capitibus, quàm ignauiter *Helmontius Goclenio* (quem adeo liberè, & acerbè reprehendit) ponè adhæreat, manifestum facio.

III. PARALLELIS res multo euadet clarior.

Parallelum 1. Goclenius vanissimè promissit, quæ nullâ ratione probare potuit. Ostendi hoc passim in meo *Heaut.* Et paulo antè ipse *Helmontius* illi obiecit.

E 5

Hel-

Helmontius itidem (pag. 58. 59.) insolentis petulantia esse ait, *Damoni* ascribere, quod NATVRÆ VBIQVE CONSONVM est. *Vt* MOX, inquit, DOCEBITVR. Nusquam illud MOX, in *Helmontiano* libro apparet, ut quiuis lector faciliè deprehendet, & ego ostendam.

Dic, Helmont, hoc MOX, dic, rogo, quando venit?

Parall. 2. Goclenius passim, ubi triticum deest, lolio victitat; id est, ubi vera, & solida defunt; falsa, & vana comminiscitur, & audacter obtrudit. Quo in genere est tota illa colluies *Characterum Magicorum*, quos in suo *Tractatu Magnetico* depingit. Vide *Anatomen meam*, & *Heaut.* Ex quo posteriore libro videbis, ipsum *Goclenium* horum vanitatem ultro fatentem.

Helmontij ager eodem lolij genere scattet. Colligo pauxillas spicas. Pag. 27. Cuidā amputatur nasus: restauratur illi ex cuiusdā baiuli brachio: redit in patriam bene nasutus. Decimotertio post mense, ascititium, & insititium nasum putrilagine amittit. Cur? quia moriebatur tum baiulus. Compendio posui, quod *Helmontius* pluribus. Qui concludit non sine insultatione: Cedo, quid subest superstitiosi? quid fantasti? Et in margine: *Mumia ab Italia Bruxellam usq,*
ope-

operatur. Nimis calidus es. Helmonti, in credendo, quæ arrident. Tamen, si pro certâ historiâ rem omnino haberi vis: respondebo primum, Casu contigisse, vt simul alter vitâ, alter nasum amitteret. Deinde, Cacodæmonem, quantum, Deo iusto permittente, potuerit, libenter contulisse, vt hæc duo simul euenirent; vt sic Helmontij, & similium, perniciosus error vtrumque cōfirmaretur. Ad hæc responsa *Pyrotechnicus* quispiam ringi potest: solidi quicquam contra asserre, certò scio, nihil potest. Velim mihi vicissim Helmontius respondeat: Cur, cum tot nasi ex alienâ carne sumti sint, vnicum hoc exemplum afferatur, quo & nasus, & nasum largitus, simul patiantur? Item Quis ille stultus sit, qui eâ conditione nasum aliunde petat, vt eo moriente, illi nasus moriatur? Parum nasutus sit, cui istæ quisquiliæ placere queant.

III. HELMONTIVS, pag. 27. 28. *Radix Carlina, cuius umbram premis, vires, & robur naturale in te trahit.* Ingens hætenus miraculum existimatum est, quod S. Petri umbra (Act. 5. 15.) ægrotationes tolleret, & ægrotantes confirmaret. At faciunt iam *Pyrotechniti*, umbram prementes, duplex miraculum, modicâ herbulâ adhibitâ: nam vires, & robur naturale alijs adimunt; alijs addunt.

addunt. Plura id genus figmenta sunt apud Helmontium, quæ hoc loco referre piget, pudet, & det. Vide *Incogit. V.* in lepidis illis *Propositionibus Philosophicis.*

Parall. 3. Goclenius, cum nihil afferre possit, quod faciat ad το ἔργον; mera suis in libris affert *Parerga*. In eius *Synarthrosi*, clarè ostendit, è pagellis 227. vix esse 27. quæ aliquid ad rhombum dicant. Vide meum *Heautont.* sect 3.

Helmontius eandem viam ex professo insistit. Sed cum totus eius libellus ex meris fere *Parergis* constet: duo tamen genera maximè notanda videntur. Alterum est, cū passim mira quædam affert exempla rerum naturalium, quarum in se mutuo effectiones Lectori stuporem moueant: sed, nulla in ijs apparet *actio in Distans*: quæ tamen sola in fictitio *Vnguenti Armarij* miraculo admirabilitatem habet. Alterum est genus, cum ridiculè bonus Helmontius pro me argumenta colligit; & ijs studiosè, & operosè respondet: & inde occasionem sumit, me conuiijs onerandi, cum ego eorum nihil non modo dixerim, aut scripserim, sed nec cogitarim. Pag. 24. ait: *Quas non attulisti rationes pro te ipse comminiscar.* Me alloquitur. Atqui, Helmonti oleum & operam perdis. Tua ego ista commenta nihili facio.

Addu-

Adducis pro me *rationes duodecim* : & cum libellus tuus in vniversum pagellas habeat 138. in rationum istarum pro me quiquilias impendis quinquaginta, nempe à pag. 24. ad 74.

V. SED QUANTO rectius te impendis-
ses dissoluendis argumentis, quæ contra dia-
bolicum vnguentum, & Mag. curam, in
meo *Heant.* produco, totis Sectionibus
quindecim, initio à decimâ factis: à pag. 122.
ad 304. Videlicet vidisti frustra te sudatu-
rum. Prudens abstinuisti. Hoc etiam ad bo-
nam tuam fidem referri potest, de quâ su-
prà vidimus.

Parall. 4. Monet me hic locus, hâc etiam
in re, *Goclenij* te esse imitatore. Nempe
vterque magni dissimulatores estis, ne di-
cam simulatores. *Goclenius* suam & *Synar-
throsin*, & *Morosophiam*, non nisi simulando,
& dissimulando potuit conficere, ut ali-
bi mihi demonstratum. *Helmontius*, nisi
eamdem viam institisset; Vnguentum, &
Curam suam Mag. nec in speciem tueri po-
tuisset.

Parall. 5. *Sigilla, & Characteres* quàm ad-
amauerit *Goclenius*, ex eius Tract. manife-
stum est: in quo nihil fere aliud videas; etsi
ad Curam Magnet. pertineant nihil. *Hel-
montius*, ne minus aliquid haberet, itidem

Cha-

Characteristicus est: sed aliâ quâdam ratione, *Characteribus* vim attribuit; ex suâ videlicet *Phantasiâ*. Pag. 131. in margine: *Quomodo parentur Sigilla efficacia*. In contextu: *Constellatio, quæ insinit in chalybem (& omne fortassis sigillum) ex calo microcosmico, id est, ex olympo nostro fluit: irrita fuerunt idcirco sigilla, quæ non a MAGO, in Phantasiâ suâ Exaltato, cuderentur*. Vide, Christiane lector, *Exaltationes Phantasticas*. Per eiusmodi Exaltationem docet proximè antè, conficere *acum nauticam*, quæ sine magnete, aut alio auxilio, *polum* noceat. Tantum valet *Pyrotechnici Phantasticum imperium*.

VI. *Parall. 6. Goclenius ædificium malè materiatur Characterum, & Curationis Mag. fulcire aggreſſus, ruinâ oppressus est, & Heautontimorumeni cognomentum suo sibi iure consecutus.*

Helmontius non semel suis se verbis, tamquam suo gladio, itidem iugulat. Pag. 21. *Superstitio, inquit, dicitur, quoties statuitur fide, aut imaginatione, aut utrâq; super virtutē aliquam, quæ talis non est; aut non eo à Creatore directâ*. Admittamus hanc diffinitionem, qualiscumque ea est; & audiamus, quid inde concludas: *Nihil igitur, inquis, Cura Magnetica Superstitutionis habet*. Quanto rectius dixisses: *Ergo Cura Magnetica pura puta Supersti-*

perstitio est? Nam neque hîc, neque alibi probas, aut vnquam probabis, virtutem illam, quam fingis, tuo inesse Vnguento: ac multo etiam minus, à Creatore sapientissimo, stultam, & histrionicam illam curationem institutam, vt pro corpore humano, brutum, & omnis sensus expertum ferrum inungatur. Aliud accipe.

Pag. 60. Cum finxisses, *Vitem, que in flore est, procul vina turbare*: sequenti pag. ais, *Vina neutiquam turbari regionibus, quibus nulla vitis nascitur*. Atqui ex tuo dogmate, planè contrà oportebat. Nam cum tuus *Magnetismus* procul agat (atque adeò, ab *Italiâ Bruxellam vsque* operetur, pag. 27.) cur non etiam turbentur, *vbi vitis non nascitur*? Vt video, quantumuis *Goclenium* agites, fies & tu, & eris *Helmontius Heautontimorumenos*. Nec deerit vtrique aliâ nuncupatio ex eodem Comico rectè ducta. Dicemini **ADELPHI**.

VII. VT PLANE sis fratres, & *Adelphi*, & gemini; non modo cum vigilante tibi conuenit, sed & cum dormiente, & somniantem.

Parallel. 7. *Goclenius* in Tract. Magnet, pag. 40. *in somno facit terribilia, ac mirabilia, videre*: & pag. 68 *facit res delectabiles apparere*. *Helmontius*, pag. 4. *in rebus somnio occurrentibus*

tibus

tibus, vult pingi ideas rerum futurarum. Et pag. 90. quandoque illi insomnia Prophetica sunt. pag. 91. In somnijs interior Magica usquequaque se exerit intelligendo.

Sed iam tempus est. vt ad primarium *Helmontiani* libelli argumentum veniamus, nempe ad *Vnguentum Armarium*, & *Magneticam curationem*. Ex quo tamen facile, & paucis nos expediemus, quòd hâc quoq; in re *Helmontius Goclenij* geminus est: neq; plus, quàm ille affert, quo commentitiam Curam, & *Vnguentum* constabiliat. Videtur quidem ille conatus: sed fuit — *telum imbellè, sine ictu*. Quicquid tamen fuit, bonâ fide ponam, & eius vanitatem perspicuè ostendam, seruatò ipsius *Helmontianæ Disputationis* ordine.

XL

INCOGITANTIA *HELMONTIJ* in explicandâ naturâ, & energiâ
Vnguenti Armarij.

I. **H**ELMONTIVS pag. 12. disertè contra *Goclenium* congerronem suum, docet, *Vsneam*, è cranio rotâ interemtorum, non minus laudabilem esse, quàm laqueo suspensorum. Vterque usu probatam suam sententiam gloriatur. Ego, vt non negauc-

gauerim, ad medicinas vtilem vtramque esse; ita, in corpus hominis, dum ferro illinuntur, prorsus quicquam agere posse pernego. Deceptor spiritus, qui vtriusque vicem agit, vtrumque authorem acerbè subsannat. Non probabo hic, quod tam variè, & solidè probauit in meo *Heaut.* Helmontij erat probare, quod proponit, & pollicetur. At ille, sibi credi vult, contentus proposuisse. Et interea hunc suum errorem passim mihi impingit.

II. ARGUMENTVM adamantinum affert *Helmontius* pro suo *Vnguento*, pag. 20. *Hoc remedium magneticum*, inquit, *NULLATENUS suspectum reddi potest.* Magnum quid asseueras, Helmonti; & quod ægrè tibi credemus, sine magno argumento. Tu probas, Quod nullos ritus habeat, nulla verba, nullos characteres, aut sigilla poscat: ceremonias nullas admistas, aut vanas obseruantias: non præsupponat horas, non profanet res sacras: imò, ne quidem præexigat imaginationem, confidentiam; aut fidem, neque veniam à vulnerato petendam. Fur quispiam, cum se probum, sanctumque probare vellet, ita ratiocinabatur: Neminem occidi, seditiones & bella non excitaui, venena, & veneficia non miscui, non tractaui: ebrietati, libidini, mendacijs non sum addictus: hæreses, praua dogmata,

F

&

& schismata detestor: quis me probum, bonumque neget? At tacebat iste probus, frequenter sublegere alienum. Sic tuum *Vnguentum* Helmonti, aut tu potius concinnas, vterisque, Naturam, Naturæque Authorem DEVM, ludibrio habes & teras, dum *Pyrotechnico figmento*, è Tartaro *Paracelsi* Magorum impijssimo, allato, alium inungis, aliud sanare vis. Iube, comedat cæcus tellus tuus, & tu interim ieiunus satiare. Sed efficies, tibi vt credamus. Non opus alios tibi hinc ritus, alias obseruantias inculcare.

III. VITIS, quæ in flore est turbat vina procul, ait, Helmont. pag 60. Imo, dico ego, contra. Probatur, quod non, inquit. Nam si cæcus causaret flores in vite, & vinorum in cadis, turbulentiæ: necesse esset, vtrumque annis singulis, statò fieri, & definito quasi momento, quod falsum est. Nam subinde vitis florescit, & turbatur vinum ante solstitium: atque eadem regione, alio anno, longè post. Achille hoc argumentum putas, Helmonti. At enim nec pro velite habeo, nisi eiusmodi, qui, vultu hostem procul aspexerit, abiectâ fundâ, transiit. Norunt Aristotelicorum Philosophorum pueri, magnam esse in cælo, motuum & influentiarum: in terrâ, climatum, situum aliarumq; dispositionum varietatem. Quibus obiter cognitis, nec vino turbato tu

ba

bantur; nec flore spirante desperant. Ad alia.
 Pag 68. idem Helmont: *Est in Magnete virtus influentialis, quæ libere AD POLVM vsque fertur: cum sit spontanea magnetis ad polum eradiatio.* Nonne abuteris Lectoris tui patientiâ, ô Helmonti? Hoc proba, & viceris. Putas, sat esse, id tibi audacter fuisse? Sciebas, me in Heaut. Sect. 18. pag. 266. scripsisse non sine aliquâ indignatione: *Quis enim fingere audeat, Magnetem agere in Polum, vel Polo quicquam imprimere?* Hoc igitur tibi ostendendum videbas. At tu suauiter, bonâ scilicet fide, dissimulas. Si pertendis, id fieri, dic nobis clarè, Quid illa *Virtus* sit, & ad quid feratur ad Polum?

III. COMPOSITIO Vnguenti Armarij apud Goclenium, in Tractatu de Mag. Vuln. Cut. (pag. 95.) duplex est. In priore, nullius, præterquam hominis, animalis mentio est. In posteriori video nominari *verrem, vrsu, lumbricos.* De Tauro altum silentium. At apud Helmont, pag. 101. *Tauri pinguedo pro vnguento armorum,* PRORSVS est NECESSARIA. At Goclenius non minus *Experientiam* pro se affert, quam Helmontius. Alij meras herbas, alij solum laridum adhibent. Sed nimirum Cacodæmon fusque deque habet, quid *Pyrotechnici* faciant, dum illos decipiat. Vide Heaut. Sect. 19. Itaque

vanè triumphat *Helmont* (pag. 102.) illis verbis: *Hinc itaque satis liquet, non concursu Satanae (qui etiam sine melle, & tauri cruore sanaret) sed communiione qualitatum naturalium cum vindicta posthumâ traduce, in concreto relictâ, conscribi, vnguenti efficaciam.* Planè, *Helmonti, sine melle, & tauri cruore sanat Satan: teste congerrone tuo Goclenio. Si illi non credis, nec ego tibi.*

V. AUDI nouum Paradoxum *Helmontianum*. Pag. 136. *Est naturalis Phantasia Vnguenti causa magnetismi, & causa curationis propria.* Necessariò hinc efficitur, Qui non probet, in Vnguento esse *Phantasiam*, nunquam probaturum, in Vnguento esse curandi vim. Atqui illud *Helmont*, *authoritate Pyrotechnicâ*, quam nemo sanus miratur, aut curat, ponit tantum, nusquam cõfirmat. Ruit igitur tota Vnguenti energia, & vno hoc *Helmontij* pronuntiato, tamquam spongiâ, totus eius libellus deletur. Aliud sequitur, in quo, vt alijs pluribus, non rectè conueniunt, Vnguento *Magnet. curando & tuendo Diuini*, *Goclenius*, & *Helmontius*. *Goclenius* eius omnem vim à *Sympathiâ* arcessit: *Helmont* verò (pag. 9.) *Vnguentum illud vulnerarium, nedum homines sed & equos curare videt: quibus certè non tanta est affinitas nobiscû, nisi ASINI simus, &c.*

Et,

Et, ne dubitemus, idemne sit Vnguentum cum Gocleniano; putemusque fortè, Equino sanguine imbutum, vt alterum humano: audi eumdem Helmont (pag. 83.) *Vnguentum nostrum, mumijs HUMANIS compositum, etiam equos persanat.* Sic se mutuò lacerant nostri Vnguentarij: sic vterque Experientiam certam, testem producit: sic vtrumque Satanas miserum in modum ludificatur.

XII.

INCOGITANTIA HEL-
montij in explicando commentitio Ma-
gnetismo.

1. **V**T VULPES Æsopo fabulatori omnia conficit: ita in fabulis *Pyrotechnicorum*, nihil frequentius *Magnetismo*. Hoc interest, quòd vulpe inter animantes nihil notius: at *Magnetismo* nihil in affectionibus naturalibus, obscurius. Quippe cum nihil sit, nisi merum, & infelix figmentum, ad Diabolicas technas honesto naturæ velo tegendas, à *Pseudoalchymistis*, Diabolo ipso suggerente, inuentum. Hinc nunquam extorqueri potuit nec à Goclenio, nec ab alio aliquo, vt disertè, & sine ambagibus, diceret, Quid tandem *Ma-*
 F 3 *gnetis-*

gnetismus sit, quâ vi pollcat, quo modo eam vim exerceat. Si nimium vtgeas, *asinus* audies, & *Boeoticum* pecus. At tamen hîc quoque valere oportebat illud omnibus disciplinis tritissimum pronuntiatum: *Primum omnium sciendum, quid illud sit, de quo agitur.* Helmontius plura pollicetur, quàm alius quispiam, quem ego viderim: sed nihilo plus præstat. Collegi, quæ ipse sparsim de *Magnetismo* docet: quæ videbis, tandem nihil esse, nisi fumum, è foculis Pseudochymicorum assurgentem, & os, oculosque eorum obruentem, qui consideratione, & affectu, æquo propius accesserint. Vide, Lector, has *Quæstiunculas*, quibus, perspicuitatis gratiâ, totam Helmontij de *Magnetismo*, doctrinam complecti conatus sum.

II. QVÆST. I. *Sitne in naturâ Magnetismus?* Helmont, pag 57. *Qui negat Magnetismum, & vires influentiales passim rebus insitas, atque proprias, & eas à sublunaribus arceat, subterfugium inane querit.* Probat I. Ibid. *Quia res ipsa continent in ente seminali, firmamentum particulare, ratione cuius symbolizant supra cum inferis, lege amicitia, & filantia.* Neganti Propositionem, non habet Helmont, quod obijciat, nisi, *querere inane subterfugium.* Probatio non magis eam probat, quam, *Calecutum esse in Italiâ, & Romam*
in

in Indiâ. Ut taceam, quòd figmentum Pyrotechnicum est. Probat tamen 2. nostrâ concessione. Pag. 19. *Naturam materialem, quotidie Magnetismo suo, à superis formas trahere caelestiumque fauorem expetere, conceditis: & calos quippiam ab inferis vicissim alligere inuisibiliter, ut sit liber, & reciprocus adiutus & in unicum totum membrorum concinna chelys. Magnetismus itaque, quia passim viget, præter nomen, nihil noui continet. Nimiû amas, Helmonti, qui tam liberè, tam ridicula tibi somnia singas. Ecqui nam illi sunt, qui has nugas concedunt, præter tuos Vulcanios fratres? Cælòs quidem concedimus procul admodum agere, & Spheram, quam Actiuitatis vocant, habere quàm amplissimam: sed cur, & quo modo, dixi in Heaut. meo, Sect. 15.*

QVÆST. 2. *Quidnam sit Magnetismus?* Helmont, pag. 21. hæc ipsa verba in margine ponit: *Quid Magnetismus.* Contextus ait esse *Proprietatem QVANDAM occultam, hac appellatione, propter manifestam illius lapidis prerogatiuam, à cæteris abstrusis, & vulgo ignotis qualitatibus diremtam.* Cum peculiare aliquid expectaretur, ait QVANDAM. & pro omni claritate, ait, OCCULTAM. Rectius, & magis ingenuè dixisset, quod res est, *Nullam.* Cæterum, quàm ni-

hil Pseudo-Alchymistas iuuet, quòd Magnes dissitum ferrum attrahat, ostendi Helmont. Sect. 18.

III. QVÆST. 3. *Quenam Magnetismi causa in unguento?* Ponitur hæc Quæstio ab Helmontio, p. 77. in marg. Et p. 74. dixerat, *Tempestiuum esse, prodere Causam proximam Magnetismi in unguento.* Pag. 75. & 76. supponit consensu Theologorum Mysticorum, (vt ipse vocat) mirificas nugas, quas facile credam, illi dormienti ab aliquo Genio dictatas, Inter alia, pag. 76. ait, *in sanguine, esse vim, & potestatem quandam extaticam: quæ si quando ardenti desiderio excita fuerit; etiã ad absens aliquod obiectum, exterioris hominis spiritum, deducendo sit.* Pudet, & piget, Lectoris mei oculos, & aures his quisquilijs imbuere. Sed quid faciam? Si sileam, tribuet Helmontius ignorantia, & concessa putabit, quæ memorata non viderit: & pro more, epiniciu canet. Non vides mi Helmõt, te tibi audacter sumere, quod maxime in quæstione est? imò quod maximè ab aduersarijs tuis negatur, ridetur, exhibilatur? Ais, *in sanguine esse vim extaticam, quæ etiã in absens obiectum, exterioris hominis spiritum deducat.* Obscura hæc sunt admodum: itaque explicanda. Inopinata sunt, & incredibilia: itaque probanda, & firmis rationibus erant

erant stabilienda. Sed hæc parasceue tantū sunt ad Causam Magnetismi in Unguento, ostendendam. Ad ipsammet veniamus. Pag. 77. hæc ænigmatica Fundit Helmontius. *Cum vulnus, aeris ingressu, qualitatem aduersam admiserit, vnde mox sanguis in labris aestuat, & alias purulentus euadit; contingit sanguinem in vulnere recenti, propter dictā qualitatem exoticā, aliqualem corruptionis iam initia ingredi (qui etiam in paxillum tunc assumptus, unguento Magnetico oblinitur.) quo mediante, corruptionis initio, potestas extatica in sanguine, latens potentialiter, in actum ducitur. Quæ, quia ad corpus suum redux est ratione latentis extasis; Hinc sanguis iste ad sanguinem totius sui, indiuiduum respectum gerit. Tunc nimirum Magnes in Unguento operari satagit; & mediante potentiā extaticā (sic voco etymi penuriā) exugit noxam e labris vulneris; & tandem virtute mumiali, balsamicā & attractiuā, in Unguento acquisitā, Magnetismus perficitur. His, velut ex antro Sibillæ, protrulis, tibi ipsi applaudis pag. 78. En habes nunc rationem positiuam Magnetismi in Unguento naturalis, ex Magiā naturali depromptam: cui assentitur lux veritatis. Vbi Thesaurus, ibidem cor, inquit.*

III. TVAM fidem, Helmonti, hoc cene est prodere causam Magnetismi in Unguen-

to, vt margo tuus pollicetur? Explicas rem obscuram (si hoc explicare, & non implicare est) per obscuriora : figmentum per plura, & maiora figmenta. Et post hæc omnia audes dicere: *En habes rationem positivam Magnetismi*. Planè, si deliramenta fundere, est rationem reddere, tu egregiam reddidisti. Quid ego contra hæc disputem? Prouoco ad iudicium cuiusuis fani Lectoris. Quod ais, *assentiri lucem veritatis*, plena irreuerentiæ blasphemia est. de quâ supra, cum similibus opportunè actum est.

QVÆST. 4. *Quis Magnetismi modus?* Petit hæc Quæstio, Quænam sit in Magnetismo agendi ratio? siue, Quomodo perficiatur Magnetismus? Præter illa, quæ quæst. 3, iam ex Helmontio retulimus, accipe hæc, ex eodem.

Helmont, pag. 96. *Radius aliquis spiritalis à zagaabit in hominem, aut brutum, quod interimendum statuit, &c.* Has tam honestas Sagarum actiones, per *Magnetismum* fieri Helmont statuit. Sed, quod ad rem nostram hoc loco pertinet, id est, ad *Magnetismi modum*, satis est, obseruare *Radium* illum *spiritualem*, ab homine ad hominem, aut brutum, *migrantem*. Pete ab Helmontio, vt *Radium* explicet, eiusque *migrationem*: nihil aliud referes, nisi stupidum esse te, &

Sata-

Satanam opimè in tuâ ignorantia gloriari. (pag. 134.) Quod hic reponere possim, reijcio in *Rhodium*, & *Saltum*, quò Helmontium paulo post voco. Eadem pag. 96. Ait Helmontius, *factam copulationem spiritus zage, cum spiritu equi*: Seq. p. 97. dicit, *ad zagam, dissolutione suum retrahere spiritum.* Ibid. & 98. *totum spiritum zage, non abire in cor equi: verum esse uniuocam quandam spiritus, lucisque vitalis participationem.* Sequitur mox: *Ista nempe spiritualis lucis participatio, est magica, virtute verbi locuples communicatio: & unum producit decem myriades seminum aequivalentium, & spiritus seminales integrales totidem, tamquam de lumine lumen accenditur.* Hæc quoque erudito lectori, intelligenda, si potest, & iudicanda relinquo. Certè, si solidi aliquid dixisset Helmont, clarius dixisset: nam ei alijs in rebus nec verba, nec sermo deest.

V. PLURA de *Magnetismi modo* dicentem Helmontium audiamus. Pag. 114. *Magnetis, & rerum inanimatarum magnetismos, fieri per naturalem sensationem, sympathia omnis authoricem, certum est. Si namque Magnes se ad polum dirigat, eundem nouisse oportet, si in directione suâ errorem non sit factururus. Et quomodo, quæso, nouerit, si non sentiat, ubi sit? Unguento quoque est naturalis sua*
Phan-

Phantasia (pag. 136.) Item & sanguini : de quo pag. 127. *Ministerio Phantasia sanguinum fit, quod extra uenatus, in paxillum assumptus, unguento Magnetico introducitur. Eximia sunt ista, pag. 128. Non trahit unguentum vulneris infirmitatem ad se, ut fiat pyxis Pandora: sed sanguinem nouiter allatum, in spiritu alterat, medicum reddit, eiusque potestatem excitat. Inde illi virtus quadam medica, & magnetica, quæ redit ad suum totum, creatura germanum spiritum sanguinis, per totum hominem. Mox infra: Quæ virtus medica, domatrix mali, est partim in sanguine excita; partim etiam eidem ingenerata per unguentum; spiritu nempe huius in spiritum sanguinis, sic imperante ex sua phantasia, id est, dono creato. Miser Göcleni! liccine te malè acceptum ab Helmontio, quod naturalium rerum historia, tam debilis patronus obtigeris (pag. 8.) cum ipse nec melius ficticiam illam naturam tueatur: nec pauciora, & absurdiora confingat?*

QVÆST. 5. *Quibus adminiculis fiat Magnetismus? Spiritibus, bone Lector. De quibus hæc scribit Helmontius. Primo, pag. 112. Toto hoc contextu spiritus voco Magnetismi patronos, non qui ex calo dimittuntur, multoq; minus de infernalibus sermo est: sed de ijs, qui fiunt in ipso homine, sicut ex silice ignis. Ex volun-*

voluntate hominis nempe aliquantillum spiritus vitalis influentis desumitur: & id ipsum assumit idealem entitatem, tamquam formam, ac complementum. Quâ nactâ perfectione, spiritus, qui antea, aura aethere erat purior, instar lucis subtiliatur, mediamque sortem inter corpora, & non corpora, assumit.

VI. Secundo, MITTITUR spiritus eò, quò voluntas ipsum dirigit, vel saltem quò innata spirituum Scientia infallibilis, iuxta scopos rerum agendarum, eundem mittit. p. 113.

Tertio, Idealis spirituum entitas, itineri iam accincta (nonne tibi videtur, erudite Lector, de aliquâ Amazonum Reginâ sermonem habere?) quodammodo lux, & quasi non amplius corpus, nullis stringitur locorum, temporum, aut dimensionum imperijs. Ibid.

Quarto, Ea nec Damon est, nec eius ullus effectus, nec ulla eius est conspiratio; sed spiritalis quadam est actio illius, nobis plane naturalis, & vernacula. Ibid.

QVÆST. 6. Quodnam subiectum capax Magnetismi? Sic margo p. 124. Helmontius ibi respondet: Cuiuscumque subiecti Phantasia validum obtinuit appetitum ad alterius rei spiritum, ad aliquid, inquam, loco mouendum, trahendum, expellendum, vel repulsandum: ibidem. & non alibi, magnetismum, vel naturale eius rei donum magicum, a DEO
illi

illi instabulatum agnoscimus. Antea vocabas Spiritus Magnetismi Patronos. Cur non potius Teipsum dicis Magnetismorum omniū & Patronum, & Ducem, & Directorem? nam pro arbitrio Magnetismos ponis, tollis, mittis, phantasiâ armas, inter se committis, iuvas, euertis: & quid non? Et, cum nullum vsquam Authorem afferas, nullam rationē; vistamen tibi credi, quantumvis inaudita, & solâ absurditate, & vanitate suâ admirabilia, in medium proferas. Saltem modestius tuas nugas mundo, publico scripto obtrude.

QVÆST. 7. *Quæ facile succumbant Magnetismo? Helmont, pag. 134. Vbi obiectum est planè, ac proximè dispositum: vel planè debile, & sibi conscium: tunc patiens, sine multâ excitatione, solâ exterioris hominis phantasiâ in opus deductâ, & in medium aliquod alligatâ, succumbit magnetismo.*

QVÆST. 8. *Quodnam in Magnetismo maxime notabile Mystrium, & totius Magia Helmontiana fundamentum? Sic ipse Helmont, p. 129. Ingens mysterium: In homine sita est energia, quâ SOLO NVTV, & Phantasiâ suâ, queat agere extra se, & imprimere virtutem, aliquam influentiam, deinceps per se perseuerantem, & agentem in obiectum LONGISSIME absens. Quo SOLO Mystrio,*
qua

qua dicta sunt hætenus de ideali entitate in fomite spiritali asportatâ, & peregre ad munia sua abeunte; de Magnetismo rerum omnium, tam phantasiâ humanâ, quàm cuiusque rei propriâ, genito: nec non de hominum Magicâ, super corporibus reliquis, superioritate, ad lucem venient. Tenebræ plusquam Ægyptiacæ ista tua Lux est, Helmonti, & de quâ iure & propriè illud dici queat: *Si lumen, quod in te est, tenebræ sunt; ipsæ tenebræ quanta erunt?* Matt. 6. 23. Planè non sunt hæc ab Angelo lucis, sed à Principe tenebrarum. Denique nisi quivis non delirus, hæc tua Mysteria pro Delirijs habeat; non causam dico, quin ego pro deliro habear.

QVÆST. 9. *Qua demum est omnium horum sapientissima conclusio?* Helmont, p. 107. *Quâ hierarchiâ, SATIS, SUPERQUE ELVICIDAVIMVS, quæcumque hætenus in Satana dominium, non nisi RVSTICE, corporaliterque nimis Philosophantes retulerunt. Quâto ego rectius ex ipso Helmont, contra Helmont, ita concludam?*

CONCLUSIO.

HELMONT, pag. 102. *Obgannient contrarij* (Imo Sapientiam DEI, & iudicium iustissimum considerabimus, & ado-

adorabimus) gaudentes, vix potuisse probam
tam euadere Magnetici Vnguenti potestatem,
nisi per zagam, Satanam, & spirituales
mundi inuisibilis Magiam, scientiam putati-
tiam, planè nihili, & damnabilem errorem.
Nihil neque verius, neque luculentius, to-
to tuo libello dixisti, HelmONT. Excæcatus
hic es iusto DEI iudicio, & captus in astu-
tiâ tuâ: qui Magnetismos tuos cogaris in
Sagarum nefarijs actionibus ponere; neque
aliter, quam in illis, & per illas, explicare
possis. Accedit, quod hoc ipsum Lectori, si
fortè minus aduerterat, indicas, & conside-
randum studiosè proponis. Cuius sanè Le-
ctoris, parum amicè, aut peritè, beneuo-
lentiam captas, dum, vt te vtcumque excu-
ses, ibidem subdis: *Non istud rei tractanda,*
sinistra quæpiam obliquitas, sed aliorum Cras-
sa Ignorantia, & fragilitatis humana condi-
tio misera, postulauit. Quid ais? HelmONTI,
Finge paruam esse iniuriam, aut contume-
liam, quòd præter te, & aliquot fortè alios
Pyrotechnicos, reliquos omnes homines,
fungos, & stipites facis: at certè illud, quo-
modo explicas, quod tam stupidi homines,
tenebricosa illa, & tartarea mysteria, faci-
lius capiant, quàm honestiora, & luci magis
affinia? Crede mihi, nemo Christianus hoc
de se dici velit. Fingamus vera esse omnia,
quæ

quæ de Sagarum Myſterijs vulgaſti : non video, quomodo honeſtum tibi cenſeas, illa tam accuratè percallere.

AUDI HOC ORACVLVM,

& ſimul *Libelli tui breuiarium:*

SATIS, & plus ſatis videbatur,

1. **ANGELVM** *Cuſtodem tuum, propudiosâ dedicatione dehoneſtaſſe:*

2. **INNOCENTEM** *Religioſum, neq; de te vnquam malè meritum, conuictiſ inſectatum eſſe:*

3. **MALAM** *fidem tuam paſſim, non ſatis ingenuè, ſimulando, & diſſimulando, oſtendiſſe:*

4. **DOCTRINAS,** & *doctos homines, ornamentis ſuis (quod in te fuit) ſpoliatos, ridendos propinaſſe:*

5. **PHILOSOPHIAM** *nouarum, & ridicularum opinionum monſtris conſpurcaſſe:*

6. **THEOLOGIAM** *ſacroſanctam, portentosis erroribus illatis prophanum in modum inceſtaſſe:*

7. **MIRACVLA,** *Diuina Omnipotentia argumenta, Lucianico, & Paraſeſico naſo ſuſpendiſſe:*

8. DIVINAM *Scripturam*, ad quam ne accedere quidem te, fas erat, audacter plurifariam corrupisse:

9. INCAVTAM *iuuentutem*, superstitionosa, impia, perniciofa ex professo docuisse:

10. MISERVVM *Goclenium*, collegam, & congerronem, supercilio hyperpyrotechnico censuisse: & interea, pudendo transfugio, eundem multis modis affectatum esse:

11. ARMARIJ tui *Vnguenti naturam*, & energiam; non aliter explicare, & probare potuisse; quam superstitiones vel aequales, vel etiam maiores, comminiscendo:

12. MAGNETISMVM, quo uno, omnia tibi conficiuntur, dum constabilire vis, ridicularijs figmentis adductis, apud intelligentes, potius euertisse:

13. DENIQUE *hac omnia*, non modo alys commentis, inanibus promissis, puerilibus parergis; somniorum ludibrijs: sed & haeresibus, & multiplici impietate aspersisse.

Erat

Erat, inquam, nimio plus satis, hæc ita temere, effudisse, & orbi vulgasse: neque opus erat, pro coronide hoc adderes, ut te *damnata Magia* adeò peritum ostenderes, & tua commenta, nonnisi *Sagarum diabolicis energematis*, explicari posse, reipsa fatereris. Per me tamen licet, Excuset te in his, alijsque omnibus, tua tibi solemn

INCOGITANTIA.

RHODVS, ET SALTVS

Helmontio.

INSUFFICIENTIÆ *Goclenij reparande, substituti fuimus.* Verba tua sunt, Helmonti, pag. 71. Ostendi hæctenus, te æquè *insufficientem*, ac se ostendit Goclenius: ostendi, te nihil *reparasse*, nisi *reparare* vocas plura euertere, subruere, demoliri, perdere. Hæc affatim, & cum commiseratione, toto tuo scripto vidimus. Videamus iam, sitne maior tua vis in expediendo te, & extricando ex *Rhodo, & Saltu.* Goclenius quidem prorsus hic siluit, & quieuit, ratus, onus esse, suis humeris importabile. Tu, Helmonti, qui *insufficientia eius reparande substitutus fuisti*, cui

Et pectora, & terga, & lacertorum tori:

G 2 agendum,

agedum, accingere, & hæc *Pronunciata*, quantumvis falsa, ridicula, impia, vel ultro admitte: vel cur minus, quàm tua, de *Vnguenti* tui *Magneticâ* energiâ, & actione, probari debeant, edisere. Ego quidem palam profiteor, paratum me tueri, plus in his, quàm in tuis, esse verisimilitudinis: maximè ijs præfidijs adhibitis, quæ tibi, & tuis, liberaliter sumis.

PRONUNTIATVM I. *Sagarum Vnguentum*, quo delibuta, per aërem, nocturna aues, feruntur: naturaliter, & sine ullâ superstitione, atque impietate, eas in sublime tollit: sitque adeo ijs iniuria, si à Magistratu deprehensa, eo nomine puniantur. Ostēditur id ex Helmontio, 1. quia cōponitur tū ex alijs, ex pinguedine, & sanguine humano, hoc veneficarum Vnguentum. Nec apparet ratio vlla, cur minus hîc vim suam ostendat, quàm in *Armario* 2. Minus in *Canidia Vnguento* mirum est, tolli in altum corpus, quod eo inunctum: quàm *Armario Helmontiano* vngi stipitem, & sanari procul vulneratum Helmontij amicum. 3. *Satage*, Vnde scis DEVM eiusmodi virtutem non direxisse in usum veneficarum? Ostendæ litteras; an te DEVS sui consilij secretarium elegerit? sanè utcumque vageris vario, tandem reperies, non aliâ ratione apud vos esse venerationem

tionem diabolicam, nisi quia tenuitas, & vocatio vestra eam non capit. Agnosce verba tua, Helmonti (pag. 16.) pauculis pro argumento, mutatis: quibus Theologis insultas, & Unguento tuo triumphale epinicion canis. Sumo à te mutuò, bonâ tuâ cum veniâ. Satage ergo quantum voles. Audeo dicere, Neque te, neque Pyrotechnicum vllum, vnquam ostensurum, plus rationis esse pro suo Unguento, quàm pro illo altero. 4. Denique, *Insolens est*, (iterum verba tua, pag. 59) *Demoni indifferenter ascribere, quod natura ubique consonum est: idque unam tantum ob culpam, scilicet: quia nimirum à nostro Helmontio, modus per causam intelligi nequit: qui intelligendi suo acumine ambitum totius natura, unde quaque se lustrasse presumit.* Non potest non dolere tibi, tua arma tam apertè in te verti. Sed quid facias? Cum me non lædant, sat multa alia præsidia habentem: te tamen grauius feriunt, qui ea tanti facias. Nec potes eorum petitionem declinare, nisi vno illo dumtaxat modo, Vt fatearis, esse nihili.

PRONVNT. II. *Ignis in focus chymicis, ab Helmontio Bruxellis excitatus, vel conficiendo Unguento Armario: si Helmontius velit, exuret hostium Ecclesia toto orbe cæstra, equos, arma: aliquo qua Helmontius volet.*

Probatur 1. *Magnes se ad polum dirigere non nitque si in directione suâ errorem non sit factururus.* (pag. 114.) Item est & *Vnguento Armario sua Phantasia.* Cur non igitur igni quoque & Phantasia sit, & scientia, & directio ad illa, quæ dixi? 2. Si deficiat ignis in illâ directione, succurreret *Ingens Mysterium Helmontij*, in quo sita est energia, quâ solo nutu, & phantasiâ suâ, queat agere extra se, & imprimere virtutem, deinceps per se perseverantem (p. 129.) Item habet *Magiam super corporibus reliquis superioritatem*: quâ operante, iussus ignis, peregrè ad munia sua abibit. (pag. 130.) Confirmatur hæc ratio, quia eodem ingenti mysterio, cudit Helmontius *acum è chalice*, quæ sine Magnetis affricu, polum notabit, quia *imaginationem*, & phantasiâ, ipso momento quasi *natiuitatis* illius acus, Helmontius vehementer adhibuit; cum si casualiter, & inscio fabro, eadem acus, eodem modo cuderetur, inanis futura esset, nec polum notaret (pag. 131.) Quid ni ergo eadem Helmontij Phantasia, vim illam igni imprimat, quam dixi, dum ipsum ignem extruit, & pyrotechnicis sufflando excitat? 3. *Satage, Unde scis, DEVM eiusmodi virtutem, &c.* Vide tertiam rationem in primo Pronuntiato; quæ ex Helmontio sumpta, æquè hîc valet.

valet. 4. *Denique insolens est, Damoni ascribere, &c.* Vide ibidem, Probationem quartam, &c.

PRONVNTIATVM III. *Cum Helmontij pater, aut mater viueret; non poterant comedere, quin Helmontius filius satiaretur, et se ieiunus perseueraret.* Prob. 1. Affricum cruento ferro Vnguentum, agit in vulnus longè absens, propter cognationem vtriusque Sanguinis: Quanto magis cibus tam cognatis, & amicis stomachis infusus, Helmontij stomachum magneticè refocillabit? 2. Si vltquam credibile est, excitari vim Magicam, & extaticam (p. 76.) si vnquam solennitatem, & phantasiâ agendum: (p. 129.) hinc demum credibile est, vtrumque vehementissimè, & ἐνεργητικώτατος agi, & peragi. Prob. 3. *Satage, unde scis, &c.* vt proximè Prob. *Denique insolens est, Damoni ascribere, &c.* Ibid.

PRONVNTIATVM IIII. *Moriente Helmontij patre, aut matre, necesse est, & Helmontium, & quidem eodem momento, mori.* Prob. 1. Cur hoc minus fiat, quàm vt nasus ex baiuli brachio sumtus, baiulo moriente, emoriatur? (pag. 27.) Nihil opus, clarius rationem afferre, maximè, quoad matrem. Prob. 2. *Satage, Unde scis, &c.*

96 MAGN. CVRAT. IMPOST.
Prob. 3. *Denique insolens est, &c.* Relige
proxima.


HÆC, AMICE HELMONTI, vel ad-
mitte, vel explica : & deinceps (sic amicè
suadeo)

INCOGITANTIAM

fuge:

Et in Christo optimè vale.

BELGI.



BELGICARVM ACADEMIARVM de HELMONTII doctrinâ, IUDICIVM.

QVONIAM HELMONTIO lubuit in libelli sui Epigraphe profiteri, se scribere *Contra opinionem Ioan. Roberti, Presbyteri de Societate IESV, Doct̃oris Theologi*: tamquam si Catholica doctrina, quam in Scriptis meis legerat, priuata mea opinatio esset: vide, Lector candide, cum quibus, præter tot alios, mihi ea sit communis. Academicis Doctoribus, & Professoribus, qui LOVANII, & DVACI, sanam, & Christianam Medicinam profitentur, docent, exercent, *Propositiones* istas exhibui; & super ijs, eorum Iudicium rogavi. Cuiusmodi id fuerit, lege hîc ad verbum eorundemmet verbis.

G.

PRO.

PROPOSITIONES P A- RACELSI.

I. VULNERATUS est Titius in Poniâ. Si gladium habeas in Hollandiâ, quo vulnus factum; cumq; gladium certo vnguento inungas, quod *Armarium* vocant: etiamsi nihil vulneri adhibeatur, sanabitur tamen, per vim, & actionem *Magneticam*. idque sine dolore, & naturaliter, sine superstitione.

II. SEMPRONIUS grauiter laborat morbo incurabili. Apertâ ei venâ, sanguis oui putamini includitur: gallinæ incubanti supponitur: aliquanto post, coagulatus, & fœdè putrefactus, canis, vel porco vorandus traditur. Dum hic tabescit, homo sanatur.

III. MULTÆ aliæ sunt actiones, quibus in distans agitur. Exemplum vnum sit. Lucerna semel concinnata oleo, ex hominis sanguine destillato: nullo alio alimento adiecto, tam diu ardet, quàm diu is homo viuit,
è cu-

è cuius sanguine oleum est. At illo
vbi libet moriente, Lucerna, quan-
tumvis diffusa, extinguitur.

QVÆRITVR, Quid de his Propo-
sitionibus iudicent DD. Me-
dici, An videlicet cum sa-
nâ Medicinâ consistere pos-
sint?

*Ad primam suprapositam Propositio-
nem, nos infrascripti (Academici
Professores Louanienses) dicimus,
Titium non curatum iri: vel, si sane-
tur, aut curetur, sanatum iri per vir-
tutem DIABOLICAM (quæ an MA-
GNETICA vocetur, ignoramus) non
autem per virtutem naturalem, ne-
que sine Superstitione.*

*Ad Secundam, respondemus eodem
modo: Nempe, quòd vel non sanabitur;
vel, si sanetur, quod non sanabitur na-
turaliter, sed arte DIABOLICA.*

*Ad Tertiam, dicimus, esse Menda-
cium DIABOLICVM.*

THOMAS FIENVS Med. Doct̃or,
& Profess.

GE-

GERARDVS DE VILERS *Med.*
Doct̃or, & Professor.

Nos *infrascripti Medici, Professores*
Regij Academia Duacensis, arbitra-
mur, has positiones, nullâ vi naturali
agere posse, nec cum sanâ Medicinâ pos-
se consistere, nec vera doctrinâ esse con-
formes.

MARTINVS REMY *Med. D. &*
Professor Primarius.

DV GARDIN *Med. D. ac Profess.*
Ordinarius.

PH. BECQVET *Chirurgia Pro-*
fessor.

IDEM *censeo cum Doct̃oribus Aca-*
demicis, quondam talis.

ERICVS SOUTHEMIVS *Phil. &*
Med. Doct̃or, Ducatus Luxem-
burgensis Medicus stipendia-
rius.

FINIS,

LICENTIAM PVBLI-
CANDI

HVIVS libelli dedit R. P. FLO-
RENTIVS DE MONTMOREN-
CY, Societ. IESV in Gallo-Belgicâ,
Præpositus Prouincialis, litteris da-
tis Duaci 8. Augusti 1621.







